



大事記解題卷第四



東萊呂祖謙伯恭

周顯王四十四年夏四月戊午秦初稱王

解題曰按張儀傳儀相秦四歲立惠王為王蓋張儀

之請也秦紀書四月戊午魏君稱王按周紀齊楚世

家是歲皆日書秦惠王稱王蓋秦紀本書君稱王如韓

世家十一年君號為王之比今本衍一魏字耳惠王

之未稱王也天子猶致文武非自稱王之後記於周

亡史不復書蓋既稱王則不復事周矣

趙加肥義秩

解題曰武靈王聽政先問先王貴臣肥義如其秩國
三老年八十月致其禮

周顯王四十五年秦惠王後元年

解題曰本紀書更為元年蓋如竹書紀年魏惠王復
改元也

齊聚學士於稷下

解題曰齊宣王喜文學游說之士騶衍之徒七十六

人皆賜列第為上大夫不治而議論是以齊稷下

索隱曰劉向別錄云齊有稷門齊城四門也說之士
期會于其下齊地記云齊有稷門齊城四門也說之士
堂趾蓋因側系水故曰稷門蓋側稷音相近耳又講
喜曰齊有稷山立館其下以待遊士春秋傳曰莒子

如稷門齊學士盛且數百千人是時諸子並起秦漢

以後所謂六家九流特其畧耳孟荀迂之變終始大

聖之篇稱引天地剖判以來五德轉移各有宜其

語闕於齊適梁惠王郊迎執賓主之禮適趙平原君

側行破席如燕昭王擁彗先驅請之適趙平原君

業築碣石宮身親往師之孟軻因於齊諸侯見尊禮

如稷門齊學士盛且數百千人是時諸子並起秦漢

齊人環淵楚人皆學黃老之術慎到者齊田駢子亦

頗采騶衍之術言魏有懼齊地力之孫龍為堅白同

長盧阿之劇子馬自駢行與著書言治亂生事以干

慎到環淵子莊之徒各著書言治亂生事以干

世主豈環淵子莊之徒各著書言治亂生事以干

神明醇天可勝道哉莊和天澤及百姓不明其本數係

大事記解題卷四

秦張儀伐魏取陝塞

者邠魯之士縉紳先生多能明之詩以道志書以道
事禮以道行樂以道和易以道陰陽春秋以道名分
其數散於天下而設於中國者百家之一察焉以好
道之天下大亂道不一天下多得一察焉以自好
譬如耳目鼻口皆有明不能相通天下之人各為
其所欲焉以自為悲夫百家往而不反必不合矣
後世之學者不幸不見天地之純古人之大體道術
將為天下裂同馬子長與莊生之辯談皆當深味也

解題曰本紀去年書取陝按張儀傳儀相秦四歲立

惠王為王居一歲為秦將取陝築上郡塞當從年表

書於今年史記正義曰上郡今鄜縵等州

周顯王四十六年齧桑

解題曰史記正義曰即左傳采桑服虔云翟地也

韓燕中山皆稱王趙獨稱君其後亦稱王

解題曰按戰國策犀首立五王齊謂趙魏曰寡人羞

與中山並為王願與大國伐之以廢其王中山大恐

召張登說田嬰而止高氏以五王為齊趙魏燕中山

鮑氏以五王為秦韓燕宋中山二家之說皆非也齊

魏之王已久秦之王出於張儀宋與中山俱為小國

使宋是時稱王則齊何為獨怒中山况偃之稱王又

在填靚王之三年乎然則犀首所立五王其可考者

韓燕趙中山其一則不可考也趙武靈王初雖稱君

世家十一年書王召公子職於韓則是時已稱王矣

七國唯楚借王遠在春秋之世其餘六國魏最先趙
最後

楚柱國昭陽伐魏

解題曰陳軫見昭陽問楚之法覆軍殺將其官爵何
也昭陽曰官為上柱國爵為上執珪陳軫曰其有貴
於此者乎昭陽曰令尹陳軫曰今君已為令尹矣攻
魏破軍殺將功莫大焉今又移兵而攻齊勝之官爵
不加於此不勝身死爵奪昭陽乃引兵而去史記是
年書齊宣王卒通鑑移於取燕之年孟子載伐燕取
燕甚詳蓋通鑑所據也

周顯王四十七年秦張儀免相相魏

解題曰按公孫衍傳魏王相張儀犀首弗利令人謂
韓公叔曰張儀已合秦魏矣其言曰魏攻南陽秦攻

三川魏王所以貴張子者欲得韓地也且韓之南陽
已舉矣子何不少委焉以為衍功韓以與魏南陽
為公孫衍之功

則秦魏之交可錯矣然則魏必圖秦而棄儀收韓而
相衍公叔以為便因委之犀首以為功果相魏然則
魏王不聽張儀之說者公孫衍間之也衍傳又稱衍
相魏張儀去則不然以儀傳考之儀慙無以歸報留
魏四歲而魏王卒復說其嗣君久之始去魏復相秦

耳按戰國策秦代魏陳軫合三晉而東謂齊王曰古
也今齊楚燕趙韓梁六國之遞甚也
適今齊楚燕趙韓梁六國之遞甚也
者強秦也
此臣之所為憂
力天之下
愚耶願大王
不也非齊親而
近矣願王熟慮
銳師以成梁
合三晉必有後
代魏多矣
附見於此
合六國之為魏
耳軫之說齊或在此時亦未可知也

區鼠
解題曰史記正義曰蓋在河北

周顯王四十八年齊封田嬰於薛號靖郭君

解題曰田嬰自威王時任職用事史記以田嬰為齊

弟索隱田嬰蓋諸田之別子也戰國策齊貌辨謂宣
王曰王方為太子時辨謂靖郭君若廢太子更立郊
師靖郭君不忍宣王太息曰寡人少
殊不知以此言之嬰非齊王弟明也

問其父嬰曰子之子為何曰為孫孫之孫為何曰為

玄孫玄孫之孫為何曰不能知也文曰君用事相齊

至今三王矣家富累萬金門下不見一賢者尚厚積

餘藏欲以遺所不知何人文竊怪之所謂三王者威

宣湣也然則嬰之卒文之代立招致賓客皆在湣王

之時史記正義曰薛在徐州滕國縣界

韓公仲公叔用事

解題曰韓宣惠王雖兩用公仲公叔以戰國策考之公仲實專政叔間亦用事終不若仲之權寵也

周慎靚王定元年衛更貶號曰君獨有濮陽

解題曰降侯而稱君也濮陽即左傳所謂帝丘衛成

公自楚丘徙都之

史記正義曰濮陽在濮州西濮縣也

秦惠王游北河

解題曰巡北邊也徐廣曰戎地在河上秦始皇使蒙

恬斥逐匈奴拓地至北河方惠王時固未盡屬秦也

正義曰王游觀北河至靈夏州之黃河也音義曰河千里一曲此在龍門河上蓋在夏州北

周慎靚王二年秦伐韓取鄆

解題曰史記正義曰今許州鄆陵縣西北有鄆陵故

城是

楚城廣陵

解題曰廣陵在秦屬九江郡漢吳王濞所都也景帝

滅吳以為江都國武帝曰廣陵國東漢為廣陵郡東

晉時以却鑒都督青兗二州諸軍事鎮此宋置廣陵

郡文帝兼置南兗州齊梁因之梁末地入北齊改曰

東廣州折廣陵江陽為二郡北齊末地歸於陳復曰

南兗州尋為後周所取改為吳州隋開皇中改為揚

州始以廣陵為治所罷廣陵江陽二郡大業初置江都郡唐武德三年曰南兖州七年曰邳州九年曰揚州貞觀十八年復置江揚郡與江都分治天寶元年并為廣陵郡領淮南節度今為揚州

魏惠王會諸侯子曰里將復尊天子不克

解題曰按韓非子魏惠王為曰里之盟將復立天子

彭喜謂鄭君曰聽大國惡有天子小國利之君與大

國不聽魏焉能與小國立之戰國策所載與此同但以曰里為九里以彭喜為房喜以鄭君為韓王耳韓之號鄭猶魏之號梁皆指其所都也所謂將

復立天子者是時七國既稱王不以周為天子也或

者猶咎孟子勸諸侯行王道何哉曰里之盟不知何

年今附於魏惠王薨之前

魏襄王問孟子天下惡乎定曰定于一孰能一之曰不

嗜殺人者能一之

解題曰潁濱蘓氏曰孟子之言非苟為大而已也然

不深原其意而詳究其實未有不以為迂者矣予觀

戰國之後更始皇項籍殺人愈多而天下愈亂及漢

高帝雖以兵取天下而心不在殺人然後乃定子孫

享國二百餘年王莽之亂盜賊蜂起光武復以不嗜

殺人收之及桓靈之禍曹公有蓋世之畧而以喜怒

殺人故天下卒於三分司馬父子力能一之而殺人
益熾故既一復散裂為五胡離為南北隋文帝又能
合之矣而好殺不已至子而敗及唐太宗始復不嗜
殺人天下乃定其後五代之君出於盜賊夷虜屠戮
生靈如恐不及數十年之間天下五禪皆不能有天
下之半及宋受命藝祖皇帝雖以神武誅鉅僭偽而
不嗜殺人之心神民信之未及二十年而削平之功
比於漢唐天下既定輕刑厲築禁凡所誅戮一附於法
匹夫匹婦無冤死之獄其仁過於前代是以百有餘
年兵革不試戶口充溢有死於厲疫而無死於兵亂

蓋自孟子以來能一天下者四君皆以不嗜殺人致
之由此觀之孟子之言豈偶然而已哉

周慎靚王三年蘓秦約楚齊趙韓魏燕及匈奴伐秦楚
懷王為從長攻函谷關秦出兵擊六國皆敗走

解題曰按楚年表是歲書蘓秦從山東六國共攻秦

楚懷王為從長至函谷關正義曰函谷關在陝州桃

南有洪溜澗古函谷也其水北流入河西岸猶有舊

關餘跡道形如函山壁立數十仞谷中容一車水經

注河水又東右合門水即漆沮枝流也水之左

右即函谷山門水又北逕弘農縣故城東城即故函

谷關校尉舊治處秦出兵擊六國六國兵皆引而歸

前約而攻秦也秦紀書韓趙燕齊帥匈奴攻秦匈奴之名始見於此合六國之衆又益以匈奴出師可謂盛矣賈生曰諸侯嘗以十倍之地百萬之衆叩關而攻秦秦人開關延敵九國之師逡巡遁逃而不敢進蓋謂此也是後六國雖屢大舉此戰蓋其始焉以懷王之昏弱而為盟主蕪秦之反覆而約諸侯張儀又在魏陰為秦用安能有濟乎戰國策云五國伐秦魏入之秦而使行和杜赫謂昭陽曰凡為代秦者楚也今施以惠來而公入之秦是明楚之代而信魏之和也公不無聽惠施而陰使人以請德秦昭子曰善其謂惠施曰凡為攻秦者魏也今子從楚為和楚得其利魏受其怨子歸吾將使人因魏而和惠子反魏王不說杜赫謂昭陽曰魏為子先戰析兵之半謂病

不聽請和不得魏折而入齊秦是楚孤也不如連和昭子曰善因令人謁和於魏此六國既敗求和於秦也

義渠襲秦大敗秦人於李帛

解題曰是時義渠已復國按戰國策義渠君之魏公孫衍謂義渠君曰道遠臣不得復過矣請謁事情義渠君曰願聞之對曰中國無事於秦則秦且燒燬獲君之國中國為有事於秦則秦且輕使重幣而事君之國也義渠曰謹聞令居無幾何五國伐秦陳軫謂秦王曰義渠君者蠻夷之賢君王不如賂之以撫其心秦王曰善因以文繡千匹好女百人遺義渠君致

群臣而謀曰此乃公孫衍之所謂也因起兵襲秦大
敗秦人於李帛之下衍與義渠君語其相魏之後歟
秦伐魏

解題曰按張儀傳儀復說魏王不聽於是張儀陰令
秦伐魏魏與秦戰敗明年齊又來敗魏於觀津

周慎靚王四年齊敗魏趙于觀津

解題曰按楚世家齊湣王伐敗趙魏軍秦亦伐敗韓
與齊爭長蓋去年楚懷王帥諸侯伐秦不利齊獨居
後為殿諸侯固已服之今年又有觀津之勝於是遂
為諸侯長矣所以秦挾脩魚大捷之威與之爭長也

韓與趙魏伐秦秦使庶長樗里疾與戰脩魚虜韓將申
差敗趙公子渴斬首八萬二千

解題曰三晉同攻秦而韓世家張儀傳戰國策獨言
秦敗韓申差斬首八萬秦年表雖書與韓趙戰而亦
不及魏焉豈非韓師獨大敗趙敗而不甚魏雖同約
而未嘗同戰耶秦紀書此戰為詳而載於去年與六
國伐秦并為一事按張儀傳齊敗魏於觀津秦復欲
攻魏先敗韓申差軍斬首八萬諸侯震恐而張儀復
說魏王事秦年表觀津脩魚之戰皆在今年為得其
實樗里疾惠王之弟也樗里其所居也

齊大夫殺蕪秦

解題曰張儀說魏王背從約之辭曰親昆弟同父母尚有爭錢財而欲恃詐偽反覆蕪秦之餘謀不可成亦明矣則秦之死蓋在今年也

魏因張儀請成于秦秦復以張儀為相

解題曰張儀留魏六年而襄王始聽其說則秦之服魏其用力亦勞矣

周慎靚王五年苴蜀相攻皆告急於秦秦使張儀司馬錯帥師取蜀貶蜀王為侯使陳莊相之

解題曰苴者蜀之別也譙周曰苴今之巴郡也按索

隱張儀伐蜀蜀王開戰不勝為儀所滅然則儀雖異

議終與錯同伐蜀也蜀王本治廣都秦既平蜀張儀移於少城築成都以象咸陽為蜀郡治後世皆因之

史記正義曰昔蜀王封其弟于漢中號曰苴侯因命之邑曰葭萌苴侯與巴王為好巴與蜀為讐故蜀王怒伐苴苴奔巴求救於秦秦遣張儀伐蜀滅之因滅巴括地志云苴侯郡葭萌今利州益昌縣葭萌故城是蜀侯都益州

秦伐趙取中都西陽

解題曰史記正義曰中都在汾州平遙縣西即西都

也西陽即中陽也在汾州隰城縣南

齊以孟軻為卿

解題曰史失其年孟子自謂久於齊非我志又載自齊莫於魯反於齊則喪母之時方為齊卿也樂正子曰前以士後以大夫前以三鼎後以五鼎至於燕人畔齊之後乃致為臣而歸是時蓋免喪久矣然則居齊歲月雖不可考必涉數年也今附載於燕噲讓國之前
蘓代與燕相子之為姻代說燕王噲以國讓子之王從之

解題曰堯舜讓而帝之噲讓而滅然之噲亦安知所謂堯舜者哉彼子之徒借是名以篡國子噲特為說客所愚耳方子之未得國也則說以堯讓天下於許

由許由不受有讓天下之名而實不失天下噲於是周乎以燕讓之及子之既得國也則又說以禹不如堯薦益而以啓人為吏已而啓攻益奪其國噲於是乎收印自三百石吏以十一而效之以石計祿始見於此其愚至此尚足論乎後世因此遂有不可慕虛名而受實禍之論是論肆行則利欲之外無非虛名妨吾利祿者無非實禍泯泯芴芴人紀滅矣此君子之所懼也欲不惑者其唯知實理乎

周慎靚王六年王崩太子延立是為赧王
解題曰索隱曰皇甫謐云名誕謚法無赧正以微弱

竊鉄逃責赧然慙愧故號曰赧耳

徒都西周

解題曰赧王雖徙都西周特主其祭耳土地人民政事皆西周武公專之赧王無預焉西周武公乃惠公之長子宋忠謂王赧諡曰西周武公非也按楚世家楚欲圖周周王赧使武公謂楚相昭子曰西周之地不過百里名為天下共主攻之名為弑君則武公為赧王之臣明矣豈可合為一人乎

周赧王元年秦侵義渠取二十五城

解題曰報李帛之役也

秦樗里疾伐魏取焦及曲沃又大破韓師及魏公孫衍於岸門韓太子倉入質於秦以和

解題曰張儀歸相秦王歲而魏復背秦為從故秦伐

魏初韓既敗於濁澤即脩魚之戰公仲謂韓王曰不如因

張儀為和於秦與之伐楚韓王將使公仲西講於秦

楚王聞之大恐召陳軫告之軫曰王警四境之內起

師言救韓命戰車滿道路發信臣多其車重其幣使

信王之救已也韓聽我絕和於秦秦必大怒是因秦

韓之兵而免楚國之患也楚王乃與師言救韓發信

臣謂韓王曰不穀國雖小已悉發之矣韓王大說止

公仲之行公仲曰不可以實告我者秦也以虛名救我者楚也王恃楚之虛名而輕絕強秦之敵必為天下笑韓王弗聽遂絕和於秦秦怒興師與韓氏戰於岸門楚救不至韓師大敗魏年表又書秦人走犀首岸門意者其救韓歟按後漢地理志潁川郡潁陰有岸亭徐廣曰岸門即岸亭史記正義云焦域在陝州城內東北西焦水為名按武王克商封神農之後於焦其後又封姬姓

燕亂將軍市被與太子平攻子之不克被反攻太子又不克而死齊章子伐燕取之醢子之殺王噲

解題曰汲冢紀年云齊人禽子之而醢其身按戰國

策韓齊為與國張儀以秦魏伐韓齊王曰韓吾與國也秦伐之吾將救之由臣思曰王之謀過矣不如聽之子噲與子之國百姓不戴諸侯弗與秦伐韓趙救之是天以燕賜我也王曰善乃許韓使者而還之韓自以得交於齊遂與秦戰楚趙果遽起兵而救韓齊因起兵攻燕三十日而舉燕國然則齊之取燕雖因之噲之亂亦由諸侯連兵不解無與競者也秦伐韓楚趙救韓史記皆不書意者即岸門之戰歟

燕人逐齊師趙召公子職於韓以為燕王使樂池送之不克

解題曰通鑑書燕人叛齊燕之於齊非叛也遂人殺齊成春秋書曰齊人殲于遂不謂之叛也孟子非作史其曰燕人畔特因用齊人之語耳按戰國策齊破燕趙欲存之樂毅謂趙王曰按樂毅傳樂毅賢好兵沙丘之亂乃去趙適魏是樂毅當事趙也今無約而攻齊齊必仇趙不如請以河東易燕地於齊趙有河北齊有河東齊趙必不爭矣是二國親也以河東之地強齊以燕以趙輔之天下憎之必皆事王以伐齊是因天下以破齊也王曰善乃以河東易齊楚魏憎之令淖滑惠施之趙請伐齊而存燕齊宣王問孟子諸侯多謀伐寡人

者何以待之即謂此也外則諸侯謀之內則燕人攻之此所以不能有其國歟是時昭王未立燕國無主故趙納公子職于燕世家不書其立蓋趙雖納之而燕人不受也

秦封公子通于蜀

解題曰按華陽國志報王元年秦惠王封子通國為蜀侯以陳莊為相則公子通代故蜀王為侯也

周赧王二年孟軻自齊之宋自宋適滕勸滕文公修井法不果行

解題曰以梁惠王公孫丑滕文公三篇首章攷之孟

子先適梁次適齊次適宋

陳臻曰前日於齊餽燕金一百而後受於宋餽七十

受非也則適宋在去齊之後明矣次適滕其在宋也

雖未嘗與王偃語如戴不勝戴盈之之徒其意亦拳

拳矣然皆志懦力弱不足以有為

觀孟子皆宋之舊族皆有善意而力不足者宜其不能進真賢以大正其

君也彼萬章見王偃志意開張不悟其為亡國之漸

方且謂之行王政其質不亦凡乎荀子曰唐鞅蔽於

欲推而逐載子注載讀為戴戴不勝使薛居州傳王

任是則王偃脫節無道益甚專獨滕文公尊嚮甚篤

觀孟子答畢戰井地之問曰子之君將行仁政選擇

而使子則既命戰推行之矣遠方之人願受一廛而

為氓者踵至則推行亦既有效也不幸文公信道不

篤溺於許行之說脅於齊楚之威不能終其緒豈非

過宋之疑終未能泮然與孟子去齊既知道之不行

矣其於滕也特欲見古道之可行而已故勉文公之

言曰有王者起必來取法是為王者師也用意止如

是尚不得申豈非天哉年月不可者今載於去齊之

次年

秦惠王會魏襄王於臨晉立魏公子政為太子

解題曰按張儀傳秦取曲沃之明年魏復事秦蓋既

和而為會也制人之父子而立其所厚秦之無道甚

矣襄王之子昭王史失其名意者即政與

秦庶長樗里疾伐趙虜趙將莊豹拔蘭

解題曰莊豹世家作趙莊蕪代曰龍賈之戰顯王三十六年

岸門之戰報元年封陵之戰報王十一年高商之戰史不趙

莊之戰秦之所殺三晉之民數百萬此所謂趙莊之

戰也史記正義云

齊田嬰卒子文立實孟嘗君昭諸侯游士及七人有罪

者為食客凡數千人是後魏公子無忌趙公子勝楚黃

歇皆效之

解題曰自周衰王制頽廢四民無常居而游士姦狹

散於天下此四公子之客所以盛也彼四公子者非

身為輔相不為其君甄別賢不肖使上下各得其職

乃植私党以相夸其流敝數百年至魏其武安之後

始稍衰止可勝歎哉按列傳田嬰卒於湣王之世今

附見於湣王元年

楚屈原作離騷

解題曰離騷者變風變雅之又變者也雖發於忠憤

其辭跌宕蓋多失其正矣詩止於陳靈其有以哉按

屈原傳原名平楚之同姓為楚懷王左徒入則與王

圖議國事以出號令出則接遇賓客應對諸侯王甚

任之上官大夫與之同列爭寵而心害其能懷王使

屈原造為憲令上官大夫諛之曰王使屈平為令眾莫不知每一令出平伐其功以為非我莫能為也王怒而疏屈平疾王聽之不聰也諛諛之蔽明也邪曲之害公也方正之不容也故憂愁幽思而作離騷離騷者猶離憂也本傳載此事於張儀說楚絕齊之前今從之

秦使張儀說楚絕齊親秦許賂以商於地儀歸背楚賂楚使屈匄帥師伐秦

解題曰按楚世家秦惠王患齊楚從親乃宣言張儀免相使南說楚王絕齊楚王大說置相璽於張儀故

本紀年表皆書張儀相楚

周赧王三年秦魏章樗里疾甘茂大破楚師于丹陽虜其將屈匄及裨將逢侯丑等七十餘人斬首八萬取漢中地六百里置漢中郡

解題曰本紀年表皆書庶長章敗楚屈匄樗里疾傳

云助魏章攻楚敗楚屈匄取漢中地甘茂傳云因張儀樗里子而求見惠王王使將而佐魏章畧定漢中

地然則疾與為魏章之副也丹陽按後漢志南郡枝

江有丹陽聚史記正義云歸州秭歸縣東有丹陽城楚子熊繹之始封也張儀傳

又云秦齊共攻楚殺屈匄取丹陽漢中之地蓋齊怨

楚而助秦耳李斯上書曰惠王用張儀之計南取漢

中包九夷制鄢郢戰國策張儀曰楚破南陽九夷內

九夷又方千里索隱曰九夷即屬楚之夷也以此考

所以有欲居

楚懷王悉兵襲秦秦大敗之於藍田韓魏襲楚至鄧

解題曰史記正義云藍田在雍州東南從藍田關入

藍田縣故鄧城在襄州安養縣北

楚景翠圍韓雍氏韓宣惠王薨子倉立是為襄王秦庶

長樗里疾帥師救韓敗楚齊家圍魏煮棗秦樗里疾與

魏伐齊虜其將聲子于濮遂伐燕

解題曰雍氏在赧王時楚嘗兩圍焉按後漢志在潁

川陽翟徐廣曰秦本紀惠王後十三年書楚圍雍氏

紀年於此亦說楚景翠圍雍氏韓宣王卒即宣惠王秦助

韓共敗楚屈匄韓年表書秦助我攻楚圍景又云齊

宋圍煮棗史記正義云冀州信都縣東北有煮棗田

代謂田軫曰客有言曰魏王謂韓馮張儀曰煮棗將

魏地也又曰馮將以秦韓之兵東却齊宋謂韓王曰馮以

魏必不謂秦王曰儀以為魏必曰儀其以秦韓救魏之

距齊宋此齊宋曰儀以為魏必曰儀其以秦韓救魏之

魏代齊之證也韓馮即公仲侈也公仲雖相秦實陰為魏用戰國之士賣國而外交大抵若

此皆與史記年表及田完世家符同此是前圍雍氏

之事也至於後圍雍氏在赧王十五年世家合而為一誤矣本紀書秦使庶長疾助韓而東攻齊不載敗楚年表書秦助韓攻楚不載與魏伐齊以田敬仲世家攷之合紀表所書始為備耳燕與齊鄰秦魏既勝齊乘燕之無君而伐之也

燕人共立太子平是為燕昭王

解題曰燕亂首尾三年無君而昭王始立

秦惠王魏襄王會于蒲坂

解題曰按水經注竹書紀年魏襄王七年秦王來見于蒲坂關今河中府河東縣

周赧王四年燕昭王怨齊禮郭隗以招賢者

解題曰按戰國策說苑燕昭王見郭隗曰敢問以國報仇者奈何郭隗曰帝者與師處王者與友處霸者與臣處亡國與役處誣指而事之北面而受學則百已者至先趨而後息先問而後嘿則什已者至人趨已趨則若已者至馮几據杖眄視指使則厠後之人至若恣睢奮擊响藉叱咄則徒隸之人至矣此古服道致士之法也隗請為天下之士開路今載於昭王

改元之年

秦伐楚取名陵

解題曰史記正義云召陵故城在豫州偃城縣東西十五里

魏伐衛拔二城

解題曰魏年表書圍衛按世家魏伐衛拔列城二衛君患之如耳見衛君曰請罷魏兵免成陵君可乎衛君曰先生果能孤請世世以衛事先生如耳見成陵君曰昔者魏伐趙斬羊腸拔閼與約斬趙趙分而為二所以不^亡者魏為從主也今衛已迫亡將西請事於秦與其以秦驛衛不如以魏驛衛衛之德魏必終無窮成陵君曰諾如耳見魏王曰臣有謂於衛衛故

周室之別也其稱小國多寶器今國迫於難而寶器不出者其心以為攻衛驛衛不以王為主故寶器雖出必不入於王也臣竊料之先王驛衛者必受衛者也如耳出成陵君入以言見魏王聽其說罷其兵免成陵君終身不見所謂如耳以詐見重者也

蜀相壯殺蜀侯降秦秦以王子輝為蜀侯

解題曰壯即陳莊也所殺者公子通也意者通叛秦故莊殺之以降與壯明年為甘茂所誅茂傳書蜀侯輝相壯則通既死輝即代之也華陽國志曰秦封王子輝為蜀侯

楚囚張儀既而赦之儀遂說楚韓齊趙燕連橫秦事秦
惠王薨子武王立六國連橫之約皆解

解題曰張儀至楚嬖臣靳尚使懷王幸姬說王救之
戰國策云楚王將出張子恐其敗已也靳尚謂楚王曰臣請隨之儀事王不善臣請殺之楚小臣靳尚之
仇也謂張旄曰以張儀之智而有秦楚之用君必亨矣君不如此使人微要靳尚而殺之楚王必大怒儀也
彼儀亨則子重矣楚秦相難則魏無患矣張旄果令
人要靳尚刺之靳尚之出張儀欲以求福也及以殺
隨哉此可為小人之戒楚王既赦張儀儀遂說楚王
與秦和親楚王已得張儀而重出黔中地與秦欲許
之屈原曰前大王見欺於張儀張儀至臣以為大王
烹之今縱弗忍殺之又聽其邪說不可懷王卒許張

儀與秦儀遂之韓說韓王事秦韓王聽儀計歸報秦

惠王封儀五邑號曰武信君使張儀東說齊西說趙

北說燕皆聽儀六國連橫魏先聽儀說事秦故楚救

皆曰事秦獨楚曰要婦嫁女長儀歸報未至惠王薨

其約亦解然則儀秦之從橫皆不能久也張儀說辭

辨士所增飾如云秦兵不敢出函谷

周赧王五年客卿謂秦武王曰張儀之貴不得議公孫

郝則從臣不事大臣矣公孫郝之貴不得議甘茂則大

臣不事近臣矣

解題曰此秦武王逐張儀前政事也大臣從臣之名

始見於此所謂大臣者張儀甘茂也所謂從臣者公孫郝也韓客謂向壽曰今王之愛習公也不如公孫郝然則當時所指為從臣者愛習而侍從者也文武成康之際侍御僕從罔非正人列之於六官之屬曷嘗有中外之間哉秦乃用其愛習為人主私人其權至與大臣相抗古無是也遇昏弱之主則大臣從臣表裏締結合為欺罔遇英武之主如秦武之流不過防其交通使之互相伺察而已雖自以為得駕馭之術不知體統舛雜中外痞隔致亂之道也秦蜀相壯反秦使甘茂定蜀誅壯

解題曰按甘茂傳蜀侯煇相壯反秦使甘茂定蜀本紀云誅蜀相壯煇雖侯蜀壯實掌其柄故壯反而煇不誅也

秦出張儀魏章於魏

解題曰秦武王元年群臣日夜惡張儀未已而齊讓又至張儀懼誅請之魏秦王乃具革車三十乘入魏按戰國策秦惠王死公孫衍欲窮張儀李讎謂公孫衍曰不如召甘茂於魏召公孫顯於韓起樗里子於國三人者皆張儀之讎也相滅謂楚王曰惠王死武甘茂善魏公孫郝善韓郝即顯也後稱公孫然則儀

之逐其公孫衍之力與魏章亦魏人惠王時數將兵
蓋儀之黨也

趙立吳娃為后生子何

解題曰此武靈王見弒之兆也武靈王遊大陵夢見
處女鼓琴而歌詩曰美人熒熒兮顏若茗之方榮命
乎命乎曾無我羸異日王飲酒樂數言所夢想見其
狀吳廣聞之內其女娃是為惠后甚有寵為不出者
數歲生子何終至於廢長立少取沙丘之禍方是時
武靈王志吞天下而精神荒越形於寤寐卒踐妖夢
以殞其身然則英武之君其可以治情性為不急哉

秦伐義渠丹犁

解題曰丹犁西戎之別也

周赧王六年秦初置丞相以樗里疾為右丞相甘茂為
左丞相

解題曰丞相之名始於此疾茂並相雖出於公孫衍
之力然當世辨士不過此數人迭盛迭衰亦理勢之
常也行特隨時上下俯其已顛迎其將至以為已利

耳

魏張儀卒

解題曰按魏世家張儀歸於魏魏相田需死楚相昭

魚謂蘇伐曰田需死吾恐張儀犀首薛公有一人相
魏者也蘇伐比見梁王告之曰張儀相必右秦而左
魏犀首相必右韓而左魏薛公相必右齊而左魏莫
若太子自相梁王從之十年張儀死儀本傳稱相魏
一歲卒非也潁濱蘇氏曰戰國之為從橫者皆傾危
反覆之士也然而汙賤無耻莫若張儀而其成功莫
如儀之多儀之未信於楚也辭而之晉謂懷王曰王
無求於晉國乎王曰黃金珠璣犀象楚產也吾何求
於晉儀曰王獨不好色耳當鄭之女粉白墨黑立於
衢閭不知而見者以為神也王獨不好色耳王說資
之珠玉而遺之南后鄭袖聞而憂之奉之以千金儀
將行謂王曰天下關閉不通未知見日也願王觴臣
中飲儀謂王召所便習王召鄭袖儀見之跪請罪曰
儀行天下未嘗見人如此其美也而儀言得美人是
欺王也王與后大喜而儀言得行儀之所以求用者
其術至此此所以言必信而功多也可不悲乎

趙築野臺

解題曰按趙世家王出九門

徐廣曰在常山

為野臺以望齊

中山之境

周赧王七年秦樗里疾免相相韓

解題曰疾相韓未幾復歸秦按甘茂傳秦武王使甘茂伐宜陽茂曰臣竊旅之臣也樗里子公孫奭二人者挾韓而議之王必聽之是時疾已歸秦矣秦武王魏襄王會于應

解題曰徐廣曰在潁川大城周赧王八年正月趙武靈王大朝信宮召肥義與議天下五日而畢

解題曰武靈王可謂有天下之志矣肥義老臣也當是時趙國之先務無若愛子匹嫡之急曾不聞有所正焉五日之議果言何事乎若區區於南攻北討之

間舍其本而末是圖亦不足以稱當軸處中之任矣楚景翠救韓

解題曰按戰國策秦攻宜陽周君謂趙累曰子以為何如對曰宜陽必拔也君曰宜陽城方八里材士十萬粟支數年公仲之軍二十萬景翠以楚之衆臨山而救之秦必無功對曰秦王不聽群臣父兄之議而攻宜陽宜陽不拔秦王耻之臣故曰拔馮章謂秦王曰不拔宜陽韓楚乘吾弊國必危矣不如許楚漢中以懼之楚懼而不進韓必孤無柰秦何矣王曰善使馮章許楚漢中而拔宜陽楚王以其言責漢中於馮

章馮章謂秦王曰王遂亡臣而謂楚王曰寡人固無

地而許楚王周本紀赧王八年秦攻宜陽楚救之

秦拔宜陽斬首六萬又取武遂城之韓使公仲侈入謝

於秦以請平

解題曰宜陽在秦屬三川郡三川伊在漢屬弘農郡

在今河南府福昌縣縣城東南北三面峭絕天險

池二穀皆在境內景帝中二年始分龜池為蓋控扼

之地也秦武王謂甘茂曰寡人欲容車通三川以窺

周室而寡人死不朽矣秦志在宜陽久矣故張儀每

說也甘茂曰請之魏約以伐韓而令向壽輔行甘茂至

魏謂向壽曰子歸言之於王曰魏聽臣矣然願王勿

伐事成盡以為子功向壽武王所親幸向壽歸以告

王王迎甘茂於息壤問其故對曰宜陽大縣也上黨

南陽積之久矣韓運上党南陽之芻名曰縣其實郡

也始張儀西并巴蜀之地北開西池之外南取上庸

天下不以多張子而以賢先王今臣羈旅之臣也樗

里子公孫奭二人者挾韓而議之王必聽之王與之

盟甘茂攻宜陽三鼓而卒不下甘茂曰我羈旅而得

相秦者我以宜陽餌王今攻宜陽而不拔公孫衍樗

里疾挫我於內而公仲以韓窮我於外明日鼓之而

不可下因以宜陽之郭為墓於是出私金以益公賞
明日鼓之宜陽拔按楚世家昭睢曰秦破韓宜陽而
韓猶復事秦者以先王墓在平陽而秦之武遂去之
七十里史記正義曰武遂韓邑也近平陽以故尤畏秦此公仲侈之
所以請平也宜陽之役楊達謂公孫顯曰請為公以
五萬攻西周得之是以九鼎市甘茂也鮑氏曰顯得九鼎其功大
秦必并不然秦攻西周天下惡之其救韓必疾則茂
茂用顯事敗矣楊達之策雖不行然當是時天下猶惡攻周
可見王澤之深也不如是豈能以數小邑立於強暴
之間乎

秦逐公孫衍其後為魏所殺

解題曰按戰國策甘茂相秦秦王愛公孫衍與之間
有所立因自謂之曰寡人且相子甘茂之吏道而聞
之以告甘茂甘茂因入見王曰王得賢相敢再拜賀
王曰寡人託國於子焉更賢相對曰王且相犀首王
曰子焉聞之對曰犀首告臣王怒於犀首之泄也乃
逐之茂雖為衍所引權利相傾固不足怪者衍既去
秦其事不復見韓非子載犀首與張壽為怨陳需新
入不善犀首因使人微殺張壽魏王以為犀首也乃
誅之然則衍去秦之後終為魏所殺也衍與儀秦乃

說士之倡故皆詳其終始焉宜陽未不甘茂猶慮行

八月

秦武王舉鼎絕臚而薨無子異母弟稷立實昭王

解題曰按甘茂傳武王竟至周而卒於周蓋踐通三

川以窺周室之言也昭王之立本紀云昭襄王為質

於燕燕人送歸得立趙世家云趙王使代相趙固迎

公子稷於燕燕送歸立為秦王穰侯傳云武王卒諸

弟爭立唯魏冉力為能立昭王然則趙燕為之外主

魏冉為之內主也年表作昭王本紀作昭襄王

秦立苒八子為太后聽政

解題曰苒楚姓也八子婦官也漢外戚傳漢興因秦

子七子長使少使之號秦惠王正后是為惠文后實

生武王徐廣以為楚女今宣太后亦楚同姓其惠文

后之妾媵與按穰侯傳昭王少宣太后自治事後世

婦人預政始於此

秦以魏冉為將軍衛咸陽

解題曰魏冉宣太后之異父弟也自惠王武王時任

職用事昭王之為王宣太后之為后皆其力也冉握

兵柄居中顛政若漢大將軍之比甘茂之徒雖為丞

相然大權不在為後世外戚預政始於此

趙初胡服

解題曰武靈王既胡服公子成稱疾不朝王自請之
曰吾國東有河薄洛之水與齊中山同之而無舟楫
之用自常山以至代上党東有燕東胡之境西有樓
煩秦韓之邊史記正義曰林胡樓煩即嵐勝之北也
嵐勝以南石州離石蘭等七國時趙邊
邑也秦隔河也晉洛潞澤等而無騎射之備故寡人
且聚舟楫之用求水居之民以守河薄洛之水變服
騎射以備燕三胡秦韓之邊公子成聽命乃自胡服
戰國策武靈王賜周紹胡服衣冠具帶黃金師比以
傳王子此所謂胡服也師古云師比胡帶之鈞也
按戰國策武靈王破原陽以為騎邑牛贊諫曰國有

固籍變籍則亂今王破卒散兵以奉騎射恐攻獲之
利不如所失之費也王曰子以官府之籍亂寡人之
事非子所知然則武靈王胡服騎射蓋始教一邑然
後徧行之於境內以牛贊之言考之則公私騷動可
知矣變古之難如此况復古乎按水經注竹書紀年
命更大夫奴遷于九原又命將軍大夫適子代更皆
貂服郵郵者趙即武靈王胡服之事也持年與史記
同不

周赧王九年秦歸武遂於韓

解題曰按甘茂傳蘇代謂向壽曰韓氏委國於甘茂
甘茂許公仲以武遂反宜陽之民取其地而既而甘

茂竟言秦昭王以武遂復歸之韓向壽公孫奭爭之不能得向壽公孫奭由此怨諛甘茂

楚與齊韓合從

解題曰齊湣王欲為從長惡楚之與秦合乃使使遺

楚王書曰樛里疾善乎韓而公孫衍善乎魏穎濱蘇氏曰蘇

秦為諸侯弱秦張儀為秦弱諸侯其說豈猶可言也

如樛里疾公孫奭於韓甘茂於魏向壽於楚皆借秦之強以搖動諸侯而成其私民生其間其受害可勝言乎今世雖無戰國相傾之勢然士居其間

其以喜怒成敗天下事者多矣楚必事秦韓魏恐必人主誠得其情其罪不勝誅乎

因二人求合於秦則燕趙亦宜事秦四國爭事秦楚

為郡縣矣王何不與寡人并力收韓魏燕趙與為從

而尊周室以案兵息民楚王業已欲和於秦見齊王

書猶豫不決下其議群臣群臣或言和秦或言聽齊

昭睢曰王雖東取地於越不足以刷耻必且取地於

秦而后足以刷耻於諸侯王不如深善齊韓以重樛

里疾如是則王得齊韓之重以求地矣楚之救韓不

能使韓不亡謂救宜陽然存韓者楚也韓已得武遂於秦

以河山為塞所報德莫如楚厚臣以為其事王必疾

於是懷王竟不合秦而合齊以善韓楚世家載此事

於懷王二十年是時宜陽未拔武遂未歸也大抵戰

國之事多經辯士潤色故多差舛今從通鑑載於懷

王二十三年

秦甘茂樗里疾伐魏皮氏未拔甘茂棄軍奔齊樗里疾與魏和罷兵

解題曰按戰國策秦楚攻魏圍皮氏楚王背秦而與魏魏內太子於楚秦恐許楚城地欲與之復攻魏樗里疾怒欲與魏攻楚恐魏之以太子在楚不肯也使入謂楚王曰外臣疾使臣謁之曰敝邑之王欲效城地而為魏太子之尚在楚也是以未敢王出魏質臣請效之而復固秦楚之交以疾攻魏楚王曰諾乃出魏太子秦因合魏以攻楚此甘茂既奔樗里疾與魏

和之事也

秦以樗里疾為丞相

解題曰按本紀昭王元年嚴君疾為相甘茂出之魏嚴君樗里疾所封也本傳戰國策皆言甘茂亡秦之齊蓋時方伐魏自魏而奔齊也

趙武靈王略中山地至寧葭西略胡地至榆中

史記正義曰勝

州所治榆林使趙固主胡致其兵

解題曰入而不有曰略胡役屬於趙故使趙固主之周赧王十年趙攻中山取丹丘夷陽鴻之塞又取鄗石邑封龍東垣中山獻四邑以和

解題曰按趙世家武靈王二十一年攻中山趙招為右軍許鈞為左軍公子章為中軍王并將之牛翦將車騎趙希并將胡代趙與之陘趙與別將兵合軍曲陽將牛翦趙希趙與三攻取丹丘邢州正義云華陽作爽史記正義云北岳恒山在定州恒陽縣北一曰鷓鴣之塞也又有鴻上水原出唐縣北葛洪山接北岳恒山王軍趙王自將取鄆石邑恒州鹿泉縣南因山為名東垣史記正義云在恒州中山獻四邑以和王許之罷兵

解題曰

秦庶長壯及大臣諸公子作亂魏冉誅之遂弒惠文后出悼武王后於魏

解題曰惠文后昭王之適母也悼武王后惠王嘗所事母君也自昭王宣太后之立魏冉獨擅國事二后及大臣諸公子皆失職不平故相與為變事既不克昭王之位始定而宣太后魏冉之權亦固矣楚倍齊而合秦秦迎婦於楚

解題曰按楚世家懷王二十四年倍齊而合秦秦昭王初立乃厚賂於楚楚往迎婦

魏城皮氏

解題曰去年園故城之按水經注竹書紀年魏襄王十二年秦伐我皮氏翟章率師救皮氏十三年城皮氏

周赧王十一年秦昭王冠

解題曰按秦記惠文王昭襄王皆生十九年而立若二十而冠則當在元年而本紀皆書於三年兩書必有一誤也

秦昭王楚懷王盟於黃棘秦復與楚上庸

解題曰上庸本庸國地屬漢中今為房州楚莊王始

滅之屈匄之敗為秦所取甘茂數張儀之功曰南取上庸蓋上庸漢中之要地

也至是懷王入與秦昭王盟約於黃棘故秦復歸之

也史記正義曰黃棘蓋在房襄二州

周赧王十二年秦取魏蒲阪陽晉封陵

解題曰陽晉本紀年表作晉陽晉陽趙地也今從世

家史記正義云蒲阪河東縣也陽晉在曹州乘氏縣西北杜預曰曹魏下邑也封陵在蒲州

秦復取韓武遂

解題曰甘茂所歸者也

周赧王十三年魏襄王韓太子嬰朝秦秦昭王會之於

臨晉以蒲阪歸魏

解題曰臨晉秦地臣瓚曰在河之西舊說曰秦築高

壘以臨晉國故曰臨晉

周赧王十四年秦蜀郡守輝反司馬錯定蜀誅之

解題曰本紀云蜀侯輝反年表云司馬錯往誅蜀守輝蓋輝始為侯而終為守也

秦伐韓取穰

解題曰今鄧州穰縣

秦庶長奐與齊韓魏共攻楚敗楚於重丘殺楚將唐昧斬首二萬

解題曰楚太子殺秦大夫而亡故伐之

趙惠后卒使周紹胡服傳王子何

解題曰惠后吳姓也姓方死憐其子而將立之故命

周紹傳之也按戰國策王立周紹為傳曰寡人始行

縣過番吾當子為子之時人皆道子之孝故寡人問

子以璧遺子以酒食而求見子子謁病而辭故寡人

以子之知慮為辨足以道人危足以持難忠可以寫

意信可以遠期詩云服難以勇治亂以之事知計也

立傳以行教少以學義之經也故寡人欲子之胡服

以傳王子乎周紹曰立傳之道六知慮不躁達於變

身行寬惠達於禮威嚴不足以易於位重利不足以

變其心恭於教而不快和於下而不危六者傳之才

而臣無一焉王曰知此六者所以使子寡人以王子
為子任欲子之厚愛之道之以行義勿令溺苦於學
事君者順其意不逆其志事先者明其高不倍其孤
子能行是以事寡人者畢矣紹即昭也武靈王廢長
立少之意已見于此而其論立傳時有古之遺言故
詳載之

秦涇陽君為質於齊

解題曰年表載於明年

秦蜀郡守李冰鑿離隼避沫水之害穿二江成都中

解題曰按桑欽水經江水東南遇捷為武陽縣青衣

水沫水

未音本末之末

從東南來合而注之酈道元注昔沫

水自蒙山至南安而涸崖水脉漂疾害舟船歷代為

患蜀郡守李冰發卒鑿平涸崖通正水路開處即水

所穿也

涸崖即離隼

江水東逕成都縣

江水出岷山東南過氏道縣北江水

又東北逕郫縣又東逕成都縣乃東南過捷為武陽

縣有二江雙流郡下風俗通曰秦昭王使李冰為

蜀守開成都兩江溉田萬頃前漢志此渠皆可行舟

也利傳記失其年今附於昭王誅蜀守輝之歲

魏史起引漳水溉鄴

解題曰漳濁漳也按水經濁漳出上黨長子縣西歷

也

壺關屯留潞武安又東出山過鄴縣西漢志曰魏文侯時西門豹為鄴令有令名至文侯曾孫襄王時與群臣飲酒王為群臣祝曰令吾臣皆如西門豹之為人臣也史起進曰魏氏之行田也以百畝鄴獨二百畝是田惡也漳水在其旁西門豹不知用於是以史起為鄴令遂引漳水溉鄴以富魏之河內民歌之漢志載於李冰鑿離隼穿二江之後今從之

周赧王十五年秦樗里疾卒以樓緩為相趙使仇液之秦請以魏冉為秦相秦免緩而相冉

解題曰冉內挾太后之重外結鄰國之交此所以代

緩為相也冉傳云趙人樓緩來相秦趙不利乃使仇液之秦請以魏冉為秦相然則趙亦惡緩識其國之虛實歟

東周與西周戰韓救西周

解題曰東周與西周戰韓救西周或為東周謂韓王

曰西周者故天子之國也是時赧王猶在西周謂之天子為天多名器重寶案兵而勿出可以德東周西周

之寶可盡矣又曰東周與西周爭西周欲和於楚韓

齊明當時之辨士也謂東周君曰臣恐西周之與楚韓寶令

之為已求地於東周也不如謂楚韓曰西周之欲入

寶持二端今東周之兵不急西周西周之寶不入楚
韓楚韓欲得寶即且趣我攻西周西周寶出是我為
楚韓取寶以德之也西周弱矣又曰東周欲為稻西
周不下水東周患之蕪子謂東周君曰臣請使西周
下水可乎乃往見西周之君曰君之謀過矣今不下
水所以富東周也今其民皆種麥無他種矣君若欲
東害之不若一為下水以病其所種下水東周必復種
稻種稻而復奪之若是則東周之民可令一仰西周
而受命於君矣西周君曰善遂下水蕪子亦得兩國
之金也其微如此其所爭又如此可不哀哉本紀載

於楚圍雍氏韓徵甲與粟於東周之前今從之

韓太子嬰卒楚圍韓雍氏將納公子蟣虱為韓太子楚
師敗蟣虱不得歸韓

解題曰按韓世家襄王十二年太子嬰死公子咎公

子蟣虱爭為太子時蟣虱質於楚戰國策曰韓公叔
子強謂太子曰不若及齊師未入爭擊公叔太子曰
不可戰之於國中必分對曰事不成身必危尚何
足圖國之全為太子弗聽齊師果入太子出走所
謂太子幾瑟者蟣虱也公叔主公子咎者也齊師助
公叔逐蠃風者又曰公叔行出幾瑟於楚史記
亦載蕪代謂韓處曰蟣虱公叔在楚楚王欲內之甚
則蠃風嘗立為太子不勝也楚王欲內之遂圍雍氏
公曰子咎之徒乃出奔楚也楚王欲內之遂圍雍氏
曰周本紀報襄王十八年之楚後云楚圍雍氏此當韓襄王
十二年魏襄王十九年之楚後云楚圍雍氏此當韓襄王

韓徵甲與粟於東周

敗蟻虱竟不得歸韓韓立咎為太子戰國策與世家
所載參錯重複不可詳考大略則二公子各有所主
公仲主蟻虱公叔主咎蟻虱既不得入公仲亦改主
咎耳戰國策公叔之能為亂也內得父兄而外得秦楚也
今公殺之太子無患必輕公所謂太子者咎也胡衍
之叔公仲爭權幾瑟內得父兄必謂太子也又曰胡衍
咎而為之請太子因令仲謂魏王曰韓立公試奉公而
棄幾瑟是王抱虛質也王不謂楚王曰韓立公試奉公而
後亦持置嗣不定大臣外連敵國相與為市國之不
亡者幸也

解題曰東周服屬於韓故徵之也按本紀楚圍雍氏

韓徵甲與粟於東周東周君恐使蘓代見韓相國裴

亦有相國然則諸國放秦也韓曰楚圍雍氏期三月

也今五月不能拔是楚病也今相國乃徵甲與粟於

周是告楚病也韓相國曰善戰國策曰楚圍雍氏五

宣后曰救韓王遣張翠張稱病曰行一縣張翠至

歸報韓王韓王遣張翠張稱病曰行一縣張翠至

甘茂曰韓急矣先生病而來張翠曰韓未急也韓急

則折而入於楚矣臣安敢來甘茂入言於秦王果下

前於穀以救韓此即周紀所載有宣太后乎楚後圍

秦華陽君伐楚取襄城地理志正義曰許州縣也

趙攻中山林胡樓煩攘地北至燕代西至雲中九原置
雲中鴈門代郡燕將秦開襲破東胡東胡卻千餘里置
上谷漁陽右北平遼西遼東郡

解題曰按前漢匈奴傳晉北有林胡史記正義曰朔

也如淳云樓煩州樓煩胡地也之戎燕北有東胡史

即濃林也樓煩史記正義云嵐之戎燕北有東胡史

正義云鳥丸之先也後為鮮卑在匈奴東故曰東胡

招地志云鳥丸國本東胡漢初冒頓滅其國餘保烏

九山因山戎史記正義云左傳齊人代山戎杜預云

以為號山戎北戎無終三名括地志云幽州漁

陽縣本北戎趙武靈王變胡服習騎射北破林胡樓

煩榆林縣東北自代並陰山至下高闕為塞而置雲中史記正義

甚信之歸而襲破東胡東胡卻千餘里燕亦築長城

自造陽至襄平置上谷史記正義漁陽史記正義右

北平史記正義云幽州漁陽縣東南遼西遼東郡以距胡秦開不知

當燕何君之世然秦武陽乃開之孫計其年或在昭

王時今從匈奴傳繼趙武靈王置雲中鴈門代郡之

後史記正義曰九原在今勝州

周赧王十六年秦將軍芊戎攻楚取新市

解題曰史記正義曰江夏有新市縣

魏襄王與齊湣王會於韓立公子咎為韓太子

解題曰按戰國策齊明謂公叔曰齊遂幾瑟楚善之

胡衍教公仲謂魏王曰公何不試奉公子咎而為之
請太子是齊魏皆主咎而排蟣虱也故相與為會而

立之

秦昭王誘楚懷王會武關至則執之楚大臣共立公子
橫為王是為頃襄王

解題曰懷王將入秦昭王屈平皆諫曰秦虎狼之國
不可信懷王稚子子蘭勸王行王入武關秦伏兵絕

其後因留懷王按水經注丹水自商縣東南流注歷

少習出武關秦之南關也通南陽郡左傳楚左司馬

夫士茂曰將通于少習以聽命京相璠曰陰地之命大

秦以田文為相

解題曰昭王聞孟嘗君之賢乃先使涇陽君為質於

齊以求見孟嘗君孟嘗君將入秦蘇代止之齊湣王

十五年復卒使孟嘗君入秦昭王即以為相

周赧王十七年秦以樓緩代田文為丞相囚文欲殺之

文亡歸齊齊以文為相

解題曰本紀在明年臨川王氏安石曰世皆稱孟嘗

君能以待士士以故歸之而卒賴其力以脫於虎狼之

秦嗟乎孟嘗君特鷄鳴狗盜之雄耳豈足以言得士

不然擅齊之強得一士焉宜可以南面而制秦尚何

取雞鳴狗盜之力哉夫雞鳴狗盜之出其門此士之所
所以不至也

齊韓魏伐秦敗秦軍於函谷關河渭絕一日秦使公子
池割河東三城以講於三國三國之兵乃退

解題曰按史記戰國策孟嘗君怨秦與韓魏攻秦三
國攻秦入函谷秦昭王謂丞相樓緩曰三國之兵深
矣寡人欲割河東而講對曰割河東大費也免於國
患大利也此父兄之任也王何不召公子池而問焉
王召公子池而問焉對曰講亦悔不講亦悔王曰何
也對曰王割河東而講三國難去王必曰惜矣三國

且去吾特以三城從之此講之悔也王不講三國入
函谷咸陽必危王又曰惜矣吾愛三城而不講此不
講之悔也王曰鈞吾悔也寧亡三城而悔無危咸陽
而悔也寡人決講矣卒使公子池以三城講於三國
初孟嘗君欲借兵食於西周蘇代為西周謂孟嘗君
曰君以齊為韓魏攻楚九年取宛葉以北以強韓魏
今復攻秦以益之韓魏南無楚憂西無秦患則齊危
矣韓魏必輕齊畏秦臣為君危之君不如令敝邑深
合於秦而君無攻又無借兵食君臨函谷而無攻令
敝邑以君之情謂秦王曰薛公必不破秦以強韓魏

其攻秦也欲王之令楚王割東國以與齊而秦出楚王以為和令敝邑以此告秦秦得無破而以東國自免也秦必欲之楚王得出必德齊齊得東國益強而薛世世無患矣孟嘗君從其計會公子池來講解遂罷兵三國之兵既退秦不果出楚懷王穎濱蘇氏曰戰國以詐力相侵伐二百餘年兵出未嘗有名秦昭王欺楚懷王而囚之要之割地諸侯孰視無取以一言問秦者惟田文免相於秦幾不得脫歸而怨之仍借楚為楚與韓魏伐秦兵至函谷秦人震恐割地以予韓魏僅乃得免自山東難秦未有若此其壯者也

夫兵直為壯曲為老有名之兵誰能禦之使田文能奮其威則是役也齊可以伯惜其聽蕪代之計臨函谷而無攻以求楚東國而出師之名索然以盡東國既不可得而懷王卒死於秦由此觀之秦惟不遇桓文是以橫行而莫之制耳世豈有以大義而屈於不義者哉通鑑載齊韓魏諸國伐秦秦割地以和於懷王卒之後按孟嘗君欲令秦出楚懷王以和於懷王卒皆書於秦昭王紀載諸國伐秦非也當以年表及懷王卒皆書於秦昭王紀載諸國伐秦非也當以年表為正然年表今年既書三國伐秦昭王非也當以年表韓與齊魏擊秦秦與韓武遂魏封陵以和亦誤分一事為兩事耳公子池割河東也獨齊城以講三國武遂封陵皆在河外河外即河東也趙封公子勝為平原君

解題曰趙年表書以公子勝為相封平原君勝惠文之弟也是時惠文王尚少肥義相國公子成李兌用事勝之稚弱豈有為相之理特以王弟而受封耳周赧王十八年魯平公薨子賈立

解題曰按楚年表魯文公元年當赧王二十年則平公之卒當在十九年今從通鑑考異書於十八年

大事記解題卷第四

大事記解題卷第四

大事記解題卷第五

東萊呂祖謙伯恭

周赧王十九年楚懷王薨於秦

解題曰是後八十六年楚成卒陳勝稱大楚首難於
蕲郡縣豪傑皆應之遂以滅秦范增說項梁立懷王
孫心也其言曰自懷王入秦不反楚人憐之至今故
楚南公曰楚雖三戶亡秦必楚終之降子嬰霸上覆
秦社稷者實義帝所遣之沛公也天明畏自我民明
威其不誣蓋如此懷王庸主耳使沒於楚民豈以
其存亡繫心哉及秦遇之無道則舉國如悲親戚積

怨深怒傳百年而不衰又以見天理人心至公而初無定在也

楚與秦絕

解題曰楚視秦蓋不共戴天之讐絕之正也明年已受秦粟又三年而迎婦於秦可勝誅哉

魏伐楚

解題曰按戰國策或謂魏王曰中山恃齊魏以輕趙齊魏伐楚而趙亡中山國所以亡者皆有所恃也以史記攷之趙主父與齊燕共滅中山則齊非中山之與國今削去齊字蘇厲說趙王亦曰物固有勢異而

患同者昔者楚人久伐而中山亡蓋為楚與魏久連兵中山失其助而亡也

中山膚施大赦酺

解題曰按呂氏春秋晉太史屠黍謂周威公曰西周之君也天生民而令有別有別人之義也所以異於禽獸麋鹿也君臣上下之所以立也中山之俗以晝為夜以夜繼日男女切倚固無休息其主弗之惡此亡國之風也居二年中山果亡大赦即春秋所書肆大眚非三代之舊也漢律三人以上無故羣飲酒罰金四兩詔橫賜得令羣飲食謂之酺羣飲之禁遠自周公

賜酺之制亦必非始於趙也周禮族師各掌其族之
如之注曰酺者為人物裁害之戒令政事春秋祭酺亦
禮因祭酺而與其民以長幼相獻酬焉疏曰族卑不
得官物為禮之故云族無飲酒也祭酺而民相獻酬
必須合錢為之也按禮記周旅酬六尸曾子曰周
禮其猶釀與鄭注彼云合錢飲酒為釀旅酬相趙自
酌似之也鄭注云明堂之禮仲秘乃命國醕相趙自
簡襄以來經略中山主父胡服騎射攻戰十年今始
克之故大行慶賜焉史記正義云徐廣云膚施在上
郡今延州膚施縣年表載滅中山於明年弒主父之
後當從世家

封公子章

解題曰主父得國之慶方新而殺身之釁已兆所謂

憂喜聚門吉凶同域者也肥義阿其主立少又輕以
身受任及爭國之形已見始區區憂之亦晚矣其荀
息之流歟李兌不勸之備公子章而勸之稱疾避位
盖守小諒而無大略宜其為姦雄所輕也史記正義
云東安陽在朔
州定襄縣界
放屈平

解題曰王子蘭勸懷王入秦者也而以爲令尹屈平
諫懷王入秦者也而放之江南頃襄王可謂不君矣
按史記屈平賤顧楚國繫心懷王不忘欲反冀幸君
之一悟俗之一改也其存君興國而欲反覆之一篇

之中三致志焉然終無可奈何故不可以反卒以此見懷王之終不悟也令尹子蘭聞之大怒卒使上官大夫短屈原於頃襄王怒而遷之屈原至於江濱被髮行吟澤畔顏色憔悴形容枯槁乃作懷沙之賦自投汨羅以死史記正義云江南洪饒等州楚東境

周赧王二十年秦予楚粟

沙丘

解題曰按史記正義括地志云沙丘臺在邢州平鄉縣東北

燕以樂毅為亞卿

解題曰按本傳樂毅賢好兵趙人舉之及武靈王有沙丘之亂乃去趙適魏聞燕昭王以子之之亂而齊大敗燕燕昭王怨齊未嘗一日而忘報齊也於是屈身下士先禮郭隗以招賢者樂毅於是為魏昭王使於燕燕王以客禮待之樂毅辭讓遂委質為臣燕昭王以為亞卿史失其年今附于弑主父沙丘之後

周赧王二十一年武始

解題曰前漢地理志魏郡有武始縣

秦左庶長白起擊新城

解題曰秦紀作左更白起史記正義云新城在洛州伊闕縣

鄭易 解題曰今之莫州易州易漢涿郡之故安也

呂禮奔齊

解題曰按穰侯傳魏冉相秦欲誅呂禮禮出奔齊

云禮出奔魏非也

然則禮未嘗得罪於昭王特避穰侯之禍

耳後六年秦紀復書呂禮來歸則其權寵能與穰侯

相軒輊可知矣

任鄙為漢中守

解題曰以備楚也按白起傳穰侯相秦舉任鄙為漢

中守鄙與烏獲孟說以力事秦武王至大官孟說必

族必嘗中廢至是穰侯復舉之也秦人諺曰力則任

鄙智則樗里秦本紀及年表後六年皆書任鄙卒蓋

鄙之守邊秦之所倚也

齊田甲田文

解題曰按齊年表田甲劫王相薛文走初人或毀孟

嘗君於齊湣王曰孟嘗君將為亂及田甲劫湣王湣

王意疑孟嘗君乃奔湣王蹤跡驗問孟嘗君無反謀

乃復召孟嘗君孟嘗君乃復謝病歸老於薛

周赧王二十二年白起敗韓魏犀武公孫喜伊闕乾河

解題曰按穰侯傳昭王十四年魏冉舉白起使代向
壽將而攻韓魏敗之伊闕起既代壽每戰必克遂成
秦并吞六國之勢冉之是舉可謂有大功於秦矣世韓
家云公孫喜率周魏攻秦秦敗我二十四萬虜喜伊
闕戰國策云秦敗東周與魏戰于伊闕殺犀武魏今
公孫衍平薛割地以諱于秦又云秦攻魏將犀武軍
于伊闕進兵而攻周又公犀武敗於伊闕周君之魏
求救蓋秦怒東周之起之謝疾不肯伐趙也昭王使
助韓魏故攻之也
應侯責之曰韓魏相率興兵甚眾君所將之卒不能
半之而與戰之於伊闕大破二國之軍流血漂鹵斬
首二十四萬韓魏以故至今稱東藩此君之功天下
莫不聞今趙卒之死於長平者已十七八君嘗以事

擊眾取勝如神况以強擊弱以眾擊寡乎起曰伊闕
之戰韓孤顧魏不欲先用其眾魏恃韓之銳欲推以
為鋒二軍爭便之力不同是以臣得設疑兵以待韓
陣專軍并銳觸魏之不意魏軍既敗韓軍自潰乘勝
遂北以是之故能立功論伊闕之勝莫詳於此史記正義
曰括地志云伊闕在洛州南注水經云昔大禹疏龍
門以通水兩山相對望之若闕故謂之伊闕按今洛
南猶謂之龍門也乾乾河源出絳州絳縣東南轂山南
流注河是水冬乾夏流故曰乾河水經注又云左傳
趙鞅使汝寬守
闕塞即伊闕也
周赧王二十三年垣宛葉公于市公
解題曰史記正義云垣即絳州垣縣宛鄧州縣葉汝

州縣曰

周赧王二十四年封魏冉公子市公子悝

解題曰冉市悝之封皆取於鄰國非秦地也公子悝以本紀考之乃葉陽君然則公子市必涇陽君也非昭王之親母弟豈得與穰侯同封乎市之宛去年所取悝之鄧今年所取冉之穰與陶史雖不載何年得之蓋亦近歲取之耳穰今鄧州穰縣陶乃漢之定陶今之曹州濟陰

周赧王二十五年東周君朝秦

解題曰兩周之君自別為國各事大國以自固非王

周赧所能制也

魏冉伐魏

解題曰按本傳穰侯為秦將攻魏魏獻河東方四百里

魏芒卯以詐見重

解題曰所謂見重者本國用其謀諸侯服其智也按

戰國策秦昭王謂左右曰今日韓魏孰與始強對曰

弗如也王曰今之如耳魏齊孰與孟嘗芒卯之賢對

曰弗如也王曰以孟嘗芒卯之賢帥強韓魏之兵以

伐秦猶無奈寡人何也以此觀之則卯之見重可知

矣戰國策云秦約趙而伐魏魏王患之芒卯曰王勿憂也臣請發張倚使謂趙王曰夫鄴寡人固形弗

有也今大王收秦而攻魏寡人請以鄴事大王趙王喜召相國而命之魏王請以鄴事大王趙王許魏張倚因謂趙王曰敝邑今閉關絕秦趙已得鄴矣大王且何報魏趙所以事大王者為完秦也今效鄴卯應趙使曰敝邑所以事大王者為完秦也今效鄴者使者之罪也卯支秦舉此一端芒卯之詐可知也五城以合於魏而秦舉此一端芒卯之詐可知也

周赧王二十六年秦伐魏至軹取城大小六十一

解題曰按穰侯傳穰侯為將拔魏之河內取城大小

六十餘軹者河內之屬邑也秦紀昭王十六年左更孫喜之明年取魏城六十一以穰侯再相受封之後秦

取河內城大小六十一以穰侯再相受封之後秦地紀年表所書皆非也史記正義曰括地志云故軹城在懷州濟源縣東南

周赧王二十七年梗陽

解題曰年表作杜陽杜預曰太原晉陽縣南梗陽城

周赧王二十八年新垣曲陽

解題曰史記正義云括地志云曲陽在懷州濟源縣

新垣近曲陽

趙伐齊

解題曰按世家惠文王十二年趙梁將攻齊

周赧王二十九年魏以田文為相秦伐齊呂禮出奔

解題曰按孟嘗君傳秦亡將呂禮相齊欲困蕪代代

乃謂孟嘗君曰周最於齊至厚也而齊王逐之而聽

親弗親弗人姓名相呂禮者欲取秦也齊秦合則親弗與

呂禮重矣必輕君不如收周最親弗必走孟嘗君從其計呂禮嫉害孟嘗君孟嘗君懼乃遺穰侯書曰子不如勸秦王伐齊於是穰侯言於秦昭王伐齊而呂禮亡後齊湣王滅宋益驕欲去孟嘗君孟嘗君恐乃如魏魏昭王以為相以齊湣之暴孟嘗君若未去齊豈敢召穰侯之兵乎考之戰國策孟嘗君去齊相魏蓋在齊滅宋之前戰國策事見李兌約五國伐秦條下又載薛公為魏相謂魏冉曰文聞秦王欲以呂禮收齊以濟天下君必輕矣齊秦相聚以臨三晉禮必并相之是君收齊以重呂禮也齊免於天下之兵其讎君必深君不如

勸秦王令敝邑卒攻齊之事齊破文請以所得封君若齊不破呂禮復用子必大窮矣其辭與史記孟嘗君遺穰侯書皆同然則此書乃孟嘗君為魏相時所遣也

秦將司馬錯攻魏河內魏獻安邑

解題曰史記正義曰河內即懷州也在河南之北西河之東東河之西秦前後取三晉地多出其人非特三晉之民不樂為秦秦亦欲自置其腹心以守新邊也平民應募者既賜之爵又徙罪人以實之赦云者既遷則與平民齒也戰國策或謂韓王曰秦王欲出

事於梁而欲攻絳安邑韓計將安出矣秦之欲并天下而王之也不與古同事之雖如子之事父猶將亡之也行雖如伯夷猶將亡之也行雖如桀紂猶將亡之也雖善事之無益也其論秦最得其情故附見於魏獻安邑之後

趙伐齊

解題曰按世家韓徐為將攻齊

趙李兌約五國伐秦

解題曰按戰國策齊欲攻宋秦王令起賈禁之齊乃收

趙以伐宋秦王怒屬怨於趙李兌約五國以伐秦楚齊

趙韓魏也

無功留天下之兵於成臯而陰講於秦又欲與

秦攻魏以解其怨而取封焉李兌欲魏王不說齊人

謂齊王曰臣為足下謂魏王曰三晉皆有秦患今之

攻秦也為趙也秦逐李兌必死今之伐秦也以救李

子之死也今趙留天下之甲於成臯而陰鬻之於秦

已講則令秦攻魏以成其私封王之事趙也何得矣

勸魏之今王又挾故薛公以為相故薛公孟嘗君也

嘗君去齊為魏相在善韓徐以為上交韓徐乃今年

五國伐秦之前明矣善韓徐以為上交韓徐乃今年

者蓋齊之王固可以反疑齊乎括蒼鮑氏曰用齊之

宋滅滕

貳如此而欲攻強秦不亦踈哉戰國策又云五國約
罷不能傷秦兵罷而留於成臯魏臣請為君止天下之
攻沛而西代秦不傷秦天下且順以是輕王而重秦約
故王何不卜交乎楚王曰秦何魏順曰天下且重秦約
沛王以償兵費王令勿攻沛王四國重王且聽王攻
之言而不攻沛王且攻沛王四國重王且聽王攻
則王之輕重必明矣故楚王卜交而沛王存然則趙
李兌雖主謀而却乃欲攻一為小邑也償費五國之眾為
籌不盡遠巡而諸侯與已之深淺始以此大事也見於戰
從長乃不知諸侯與已之深淺始以此大事也見於戰
欲卜交宜乎秦以折筭答之也

宋之前

戰國策雖不載五國伐宋故附見於齊滅宋之前

國策者前後非一章史記乃遺略不載今載於齊滅

解題曰杜氏世族譜云滕姬姓文王子錯叔繡之後

武王封之居滕沛郡公丘縣是也自叔至宣公十七

世乃見春秋隱公以下春秋後六世而亡齊滅之觀

孟子所載滕定公文公則杜氏之說誤矣戰國策記

宋王偃滅滕其說是也公丘縣今為徐州滕縣

齊滅宋

解題曰宋子姓自微子至王偃三十二世按前漢地

理志宋地房心之分壑本陶唐氏火正闕伯之虛昔

堯作遊成陽如淳曰成陽在定陶舜漁雷澤湯上于亳故其民

猶有先王遺風重厚多君子好稼穡惡衣食以致畜

藏宋為齊楚魏所滅參分其地魏得其梁陳留齊得其濟陰東平楚得其沛齊之伐宋也燕代寔啟之戰策云燕王奉燕子車十五乘南使於齊謂齊秦之救王曰今宋王無道而王不代王名終不成秦王之救宋也燕代復止之為齊謂秦王曰攻秦所以為王也蓋燕代為燕反間驕其君勞其民而速其亡也戰國策載燕代說燕之辭曰臣聞王居處不安食飲不甘思念報齊身自削甲北日有大數矣妻自組甲緝日有大數矣有之乎王曰子聞之寡人不敢隱也我有深怨積怒於齊而欲報之直患國弊力不足矣對曰齊王長主也而自用也南攻楚五年畜積散西困秦

三年民憔悴士罷弊而又以其餘兵南面西舉五千乘之勁宋而包十二諸侯此其君之欲得也其民力竭也安猶取哉且異日濟西不役所以備趙也河北

不師所以備燕也今濟西河北盡以役矣封內弊矣

論齊之亡形莫詳於此戰國策誤以為說燕王噲使

論其世考其事皆說昭王之辭也呂氏春秋曰齊攻

宋燕王使張魁從馬齊王殺之燕王縞素避舍於郊

主也豈使於齊客而謝焉曰此盡寡人之罪也大王賢

敵邑之豈人殺諸侯之使者哉然而燕之使者獨死此

報言燕王之甚恐懼而請罪也畢又復之者進報使者

官實因乃發小使以反令燕王復舍此齊上之所以

解題曰齊既滅宋南割楚之淮北西侵三晉欲以并周室為天子泗上諸侯鄒魯之君皆稱臣諸侯恐懼

史記正義云淮北謂廣陵縣徐泗等州也

周赧王三十年司馬穰苴狐咺陳舉

解題曰按戰國策齊負郭之民有狐咺者正議閔王斲之檀衢百姓不附齊孫室子陳舉直言殺之東閭

宗族離心司馬穰苴執政者也殺之大臣不親穎濱

曰大史公為司馬穰苴傳言齊景公時晉伐阿鄆燕侵河上齊師敗績晏子薦穰苴景公拔以為將使寵臣莊賈監軍穰苴因其後期戮之三軍畏之遂以成功其言甚美世皆信之予以春秋左氏考之景公七年十北燕伯欵奔齊十二年公朝于晉請以兵納欵于

陽是歲公朝于晉投壺有言明年晉侯盟諸侯于平五齊不欲盟晉人怒自是始于沙始叛晉自是凡四伐晉蓋未與燕晉之代齊者也而戰國策稱司馬穰苴執政者也溲王却燕晉而戰國雜記妄以為景公時邪臣嘗為溲王却燕晉而戰國雜記妄以為景公時邪

中陽

解題曰史記正義曰括地志云在汾州隰城縣南

周赧王三十一年樂毅破齊濟西臨菑昌國

解題曰按趙世家是歲書燕昭王來見蓋樂毅勸昭

王約趙楚魏伐齊又令趙啗秦以伐齊之利伐齊之

舉其重在趙故昭王身約之也樂毅傳稱教於楚并

以伐齊破之濟西田敬仲世家亦稱燕秦又按戰國楚王晉各出銳師敗我濟西通鑑脫楚字

策燕舉兵使樂毅將而擊齊齊使向子將而應之齊軍破向子以一輿乘亡達子收餘卒復振與燕戰求所以償者閔王不肯與軍破王奔莒呂氏春秋曰齊使觸子春將以迎天下之兵於濟上齊王欲戰使人赴觸子而誓之曰不戰必刻若類掘若壘觸子苦之欲齊軍之敗於是子因以一乘去莫知其不聞其聲達子又帥其觸卒以軍於秦周無以賞使人請金於齊王齊王怒餘卒以軍於燕逐北入國相與爭金於美唐甚多曰若殘堅子燕人給若金與燕人戰大敗達子死齊王走莒燕人逐北入國相與爭金於美唐甚多此貪於小利以失大利者也觸子戰國策所謂向子也秦周齊城門也餘並見通鑑濟西謂濟州已西見美唐金藏所在也臨淄青州臨淄縣古營丘之地城臨淄水故曰臨淄見史記正義昌國在淄川縣東北見史記正義延平陳

氏曰樂毅之下齊也止侵略寬賦斂除暴令修舊政求逸民顯而禮之祀威公管仲於郊表賢者之閭封王蠋之墓凡可以悅其民者無不為也此孟子所以教齊宣王者齊王不能用之於燕而樂毅能用之於齊

殺淖齒奉法章

解題曰延平陳氏曰法章之立於莒王孫賈之力也賈之母曰王走汝不知其處汝尚何歸用此心則不待四百人亦足以殺淖齒而况於四百人乎

周赧王三十二年廉頗

解題曰按本傳趙思文王十六年廉頗為趙將伐齊
大破之取晉陽索隱史記本作陽晉云陽晉衛地後
衛國陽晉城是也趙地非齊所取也拜為正卿以勇
氣聞於諸侯今年齊已破亡拔其地不足言功意者
即去年助燕破齊之事與

藺相如

解題曰相如奉璧入秦秦王大喜傳以示美人及左
右左右皆呼萬歲相如前曰璧有瑕請指示王王授
璧相如因持璧却立倚柱怒髮上衝冠謂秦王曰趙
王齋戒五日使臣奉璧拜送書於庭今臣至大王見

臣列觀禮節甚倨得璧傳之美人以戲弄臣臣觀大
王無意償趙王城邑故臣復取璧大王必欲急臣臣
頭今與璧俱碎於柱矣相如持其璧晚柱欲以擊柱
秦王恐其破璧遂許齊五日舍相如廣成傳舍相如
使其從者衣褐懷其璧亡歸秦王齊五日後乃設九
賓禮於庭史記正義曰韋昭云九賓則周禮九儀也
劉伯莊云九賓者周王之備禮天子臨軒
九服同會秦趙何得九賓餘並見通鑑
但亦陳設車輅文物耳

燕求三神山

解題曰此後世人主求仙之始也按前漢志宋毋忌
正伯僑元尚羨門高最後皆燕人為方仙道形解銷

化依於鬼神之事燕齊海上之方士傳其術不能通
然則怪迂阿諛苟合之徒自此興不可勝數也自齊
威宣燕昭使人入海求蓬萊方丈瀛洲此三神山者
傳在渤海中世主莫不甘心焉燕昭之未破齊屬志
復讎必未溺心於此也今附於克齊之次年

周赧王三十三年秦伐趙拔兩城

解題曰趙世家前年書秦與趙數擊齊齊人患之蘇厲
為齊遺趙王書趙乃輟謝秦不擊齊今年又書樂毅
將趙師攻魏伯陽而秦怨趙不與已擊齊伐趙拔我
兩城是時齊地皆入於燕獨有莒即墨僅存耳蘇厲
之書皆不及之恐非此時事况樂毅方為燕經略全
齊豈得為趙將攻魏哉年表所書秦伐趙拔兩城必
有所因世家所載未可據也

秦韓會新城

解題曰韓年表世家書與秦昭王會兩周間所謂新
城蓋兩周間地名也史記正義云括地志云許州襄城縣即古新城縣也

周赧王三十四年石城

解題曰前漢地理志石比平有石城縣史記正義云括地志云相

州林慮縣東南有石城疑此石城是

趙伐魏

解題曰按趙世家王再之衛東陽決河水伐魏氏大
潦蓋以水攻也魏徙都大梁近河秦之滅魏亦用此
策耳

魏冉相趙

解題曰是歲秦本紀年表書秦復以魏冉為丞相蓋
相趙未幾復歸相秦也

楚約從將伐秦西周武公

解題曰楚人有好以弱弓微繳如歸鴈之上者頃襄
王聞召而問之對曰大王之賢所弋非直此也秦為
大鳥負海內處東面而立左臂據趙之西南右臂傳

楚鄢郢膺擊韓魏垂頭中國處既形便勢有地利奮
翼鼓蹴方三千里則秦未可得獨招而夜射也欲以
激怒襄王故對以此言襄王因召與語遂言曰夫先
王為秦所敗而客死於外怨莫大焉今以匹夫有怨
尚有報萬乘白公子胥是也今楚之地方五千里帶
甲百萬猶足以踊躍中野也而坐受困臣竊為大王
弗取也於是頃襄王遣使於諸侯復為從欲以伐秦
然卒無成功者特暫激於人言初未嘗有復讎之大
志豈能有所立哉楚世家又書楚欲與齊韓連和伐
秦因欲圖周周王報使武公說楚相昭子而止是時

齊止餘兩城為燕所圍何暇與楚連和伐秦蓋所載不能無小差也西周武公者西周惠公之長子即戰國策所謂西周君通鑑謂之東周武公誤矣餘見通鑑

周赧王三十五年秦赦罪人遷之南陽

解題曰以備楚也史記正義曰南陽今鄧州

光狼城

解題曰史記正義曰在澤州高平縣西二十五里

隴西黔中

解題曰隴西今秦階熙河涼沙等州之地黔中今黔

辰施沅等州之地

楚以上庸漢北地與秦

解題曰黃棘之盟秦以上庸歸楚楚至是復割與秦

也史記正義曰上庸漢北謂割房金均三州及漢水

之北

周赧王三十六年白起伐楚取鄢鄧西陵

解題曰鄢楚之別都也在今襄州之宜城縣南豐曾

氏鞏曰荆及康狼楚之西山也水出二山之間東南

而流春秋之世曰鄢水左丘明傳魯桓公十有三年

楚屈瑕伐羅及鄢亂次以濟是也秦昭王二十八年

使白起將攻楚去鄢百里立堦壅是水為渠以灌鄢
遂拔之鄢道元水經注云昔白起攻楚引西山谷水即是水者也舊堦去城一百許里水從城西灌城東入注為淵今堦斗陂是也水潰城東北角百姓隨水流死於城東者數十萬城東皆臭因名其陂為臭秦既得鄢以為縣漢惠帝三年改曰宜城西陵也
屬江夏郡在西漢為郡治有雲夢宮今之安州雲夢縣也

秦趙會澠池

解題曰龜山楊氏時曰趙社稷安危之機不在璧之存亡夫以小事大古之人有以皮幣犬馬珠玉而不得免者况一璧乎雖與之可也相如計不出此不三

數年趙卒有覆軍臨城之禍者徒以璧為之崇也然則全璧歸趙何益哉至於澠池之會則其危又甚矣相如智勇不足重趙使秦不敢喘焉乃欲以頸血澣之豈孔子所謂暴虎馮河死而無悔者歟太史公序傳曰能信意疆秦而屈體廉子用徇其君俱重於諸侯合兩說觀之相如之抗秦特戰國以氣相加之習俗至於體國而深自克則非戰國之士也

齊襄王誅譖田單者田單伐狄

解題曰齊襄王方復國而忌其元勳使無貂勃之諫齊之為齊未可知也田單東有夜邑之奉西有淄上

之娛魯仲連前知其不能下狄雖厲氣循城僅以成功其所存亦可覩矣君臣之志皆有所極齊之不興宜哉

荀卿

解題曰荀卿趙人年五十始來游學於齊齊襄王時荀卿最為老師齊尚脩列大夫之缺而荀卿三為祭酒焉齊人或讒荀卿荀卿乃適楚而春申君以為蘭陵令春申君死而荀卿廢因家蘭陵

周赧王三十七年楚莊辛

解題曰按戰國策莊辛謂楚襄王曰君王左州侯右夏侯輦從鄢陵君與壽陵君專淫逸侈靡不顧國政郢都必危矣襄王曰先生老悖乎將以為楚國妖祥乎莊辛曰臣誠見其必然者也非敢以為國妖祥也君王卒幸四子者不襄楚國必亡矣臣請辟於趙淹留以觀之莊辛去之趙留五月秦果舉郢襄王流旌於城陽于是使人發騶徵莊辛於趙以執珪而授之為陽陵君

白起攻楚取郢楚頃襄王徙都陳

解題曰按戰國策應侯謂武安君曰楚地方五千里持戟百萬君前率數萬之衆入楚救鄢郢焚其廟東

至竟陵楚人震恐東徙而不敢西向武安君曰是時
楚王恃其國大不恤其政而羣臣相妬以功諂諛用
事良臣斥踈百姓心離城池不修既無良臣又無守
備故起所以得引兵深入多倍城邑發梁焚舟以專
民心掠於郊野以足軍食當此之時秦中士卒以軍
中為家將帥為父母不約而親不謀而信一心同功
死不旋踵楚人自戰其地咸顧其家各有散心莫有
鬪志是以能有功也楚所以敗秦所以勝略見於此
矣又按穰侯傳復相秦四歲而使白起拔楚之郢白
起者穰侯之所任舉也相善於是穰侯之富富於王

室莊辛告楚襄王亦謂馳騁乎雲夢之中而不以天
下國家為事不知夫穰侯方受命乎秦王填郢塞之
內而投已乎郢塞之外然則戰勝者雖白起主生謀者
寶穰侯也史記正義云括地志云郢城在荊州江陵
陵縣是也荊州西應邵云夷山在其北竟陵在郢
州長壽縣南今復州亦是其地武安在潞州武安縣
南西

周君朝秦

解題曰本紀書周君來未知其為東為西也

趙徙漳水武平西

解題曰趙惠文王十八年大潦漳水出然則徙漳水

者為水患也惠文王二十七年又徙漳水武平南按水經及注濁漳水出上党長子縣西清漳出上党沾縣西北至武安縣南入于濁漳南水既合支流逕邯鄲經絡趙竟故不得不治耳史記正義曰武平亭在瀛州文安縣北

周赧王三十八年巫黔中

解題曰史記正義云括地志云巫郡在夔州東黔中故城在辰州沅陵縣東今黔府亦其地

周赧王三十九年楚復取江南十五邑

解題曰頃襄王既失郢都復召莊辛聞其言至於

顏色變怍身體戰慄此其所以能稍復故地也新叙又載楚襄王用莊辛計舉淮北之地十二諸侯蓋楚喪亂之後補敗扶傾之計皆出於莊辛特不能大有所為耳

幾

解題曰幾魏之邑也史記正義曰幾或屬齊或屬魏當在相潞之間也

周赧王四十年秦魏冉圍大梁

解題曰魏大夫須賈說穰侯曰臣聞魏之長吏謂魏王曰秦貪戾之國也戰勝暴子割八縣地未畢入兵復出矣夫秦何狀之有哉願王之必無講也此臣之所聞於魏也臣聞魏氏悉其百縣勝甲以上戍大梁臣以為不下三十萬夫輕背楚趙之兵陵七仞之城戰三十萬之衆而去志必舉之臣以為自天地始分以至于今未嘗有者也攻而不拔秦兵必罷陶邑必亡則前功必棄矣願君逮趙楚之兵未至於梁函以少割收魏穰侯曰善乃罷梁圍戰國策載穰侯攻大梁或謂穰侯君攻楚得宛

穰以廣陶攻齊得剛博以廣陶得許鄆陵以廣陶秦昭王不問者何也以大梁之未亡也今日大梁亡許鄆陵必議則君必窮為君計者勿攻便此與須賈之說同一術也穰侯以外戚秉大權徇私如此范雎安得不乘北宅史記正義曰竹書云宅陽一名北宅其隙哉

趙廉頗拔魏房子安陽

解題曰按世家廉頗將攻魏房子拔之因城而還又

攻安陽取之徐廣曰房子屬常山史記正義云今相州外城古安陽城

周赧王四十一年齊昌國高唐

解題曰趙世家書燕周將攻昌國高唐取之不書何

國按前漢地理志昌國屬齊郡高唐屬平原郡皆齊地也

周赧王四十二年秦魏冉白起救韓敗魏趙華陽

解題曰華陽亭名在密陽出史記司馬彪注卷屬河南郡史記

正義云州原武縣西北鄭蔡陽今蔡州上蔡水之陽出史記正義與地廣

記長社屬潁川郡觀津屬清河郡並前漢地理志按

在清河願如趙郡近家又曰竇廣國聞南陽即河內

皇后新立家在觀津是觀津屬清河也

脩武非鄧州之南陽出史記正義晉始啟南陽即此地也

免臣蓋秦之臣以罪免者遷以守新邊秦不信敵國

之民故徙其國人使錯居之也秦華陽之後蓋救韓

而擊趙魏年表列傳或云得三晉將或云攻趙韓魏皆記之者誤耳

魏城西周

解題曰按周本紀馬犯謂周君曰請令梁城周乃謂

梁王曰周王病若死則犯必死矣犯請以九鼎自入

於王梁王曰善遂與之卒言成周因謂秦王曰梁非

成周也將伐周也王試出兵境以觀之秦果出兵又

謂梁王曰周王病甚矣今王使卒之周諸侯皆生心

不若令卒為周城以匿事端梁王曰善遂使城周所

謂周者西周也周君者西周武公也周王者赧王也

太王社之亡九鼎已毀特以虛名給魏耳使九鼎是

時尚存則後十餘歲秦遂滅周鼎必入於秦始皇何

為索之於泗水哉周紀書周亡秦取九鼎寶器亦非也

周赧王四十三年趙河水出大潦

解題曰自威烈十三年書晉河岸崩壅龍門至是始

復書趙河水出安王三年雖書魏魏山崩壅河此自為山所壅非可為患也然亦

不聞蕩覆城邑數十年而不可塞如後世之甚者也

燕惠王薨子武成王立

解題曰按趙世家明年書燕將成安君公孫操弒其

王豈非惠王武成王終始之際或有異論聞於鄰國

歟

韓魏與秦楚伐燕

解題曰按燕世家燕惠王七年卒韓魏秦楚兵伐燕

蓋乘燕之喪也楚世家書使三萬人助三晉伐燕秦

本紀亦書佐韓魏楚伐燕然則是役也韓魏為兵主

秦楚助之而已

周赧王四十四年秦客卿竈攻齊剛壽

解題曰秦本紀書客卿竈攻齊取剛壽予穰侯按范

睢今年說昭王之辭曰穰侯越韓魏而攻齊剛壽非

計也少出師則不足與傷齊多出師則害於秦齊年

表明年書秦楚擊我剛壽是今歲攻而未能下也史記

正義云括地志云故剛城在兗州龔丘縣界壽鄆州之縣

秦滅義渠

解題曰前漢匈奴傳秦昭王時義渠戎王與宣太后亂有二子宣太后詐而殺義渠戎王於甘泉遂起兵伐滅義渠不書何年按昭王初見范雎之言曰寡人宜以身受命久矣會義渠之事急寡人旦墓自請太后今義渠之事已寡人乃得受命今載於范雎為客卿之前

范雎

解題曰按范雎傳王稽載范雎入秦至湖關望見車騎從西來范雎曰彼來者為誰王稽曰秦相穰侯東

行縣邑范雎曰吾聞穰侯專秦權惡內諸侯客此恐辱我我寧且匿車中有頃穰侯果至勞王稽因立車而語曰閩東有何變曰無有又謂王稽曰謁君得無與諸侯客子俱來乎無益徒亂人國耳王稽曰不敢即別去范雎曰吾聞穰侯智士也其見事遲鄉者疑車中有人忘索之於是范雎下車走曰此必悔之行十餘里果使騎還索車中無客乃已王稽遂與范雎入咸陽已報使因言曰魏有張祿先生天下辯士也曰秦王之國危於累卵得臣則安然不可以書傳也臣故載來秦王弗信使舍食草具待命歲餘當是時

昭王已立三十六年南拔楚之郢郢楚懷王幽死於秦數困三晉厭天下辯士無所信穰侯華陽君昭王母宣太后之弟也而涇陽君高陵君皆昭王同母弟也穰侯相三人者更將有封邑以太后故私家富重於王室及穰侯為秦將且欲越韓魏而伐齊剛壽欲以廣其陶封范雎乃上書秦昭王大說以傳車召范雎穰侯挾太后而主斷昭王厭之久矣范雎先使王稽言於昭王謂秦危於累卵意蓋在此及穰侯越三晉攻剛壽以廣其私邑昭王益不能堪所以范雎書入而亟召也說辭亦多辯士所附益如所謂穰侯為

秦謀不忠閔閉十五年不敢窺兵於山東方穰侯之時勝敵辟地無歲不書安得有所謂閉閔十五年者乎大抵觀戰國之事者取其大旨而已不必字字為據也通鑑載於明年今從本傳書於昭王三十六年周赧王四十五年秦圍趙閔與

解題曰按戰國策秦攻趙藺離石祁拔戰國策藺厲謂周君曰敗

韓魏殺犀武攻趙取藺離石祁者皆白起然則藺離石祁之拔蓋白起為將也括蒼鮑氏曰藺及離石厲

西河祁趙以公子部為質於秦而請內焦括蒼鮑氏曰

屬太原有焦黎括蒼鮑氏曰東牛狐之城以易藺離石祁於

秦趙背秦不予焦黎牛狐秦王怒令公子繒請地趙

王乃令鄭朱對曰夫蘭離石初之地曠遠於趙而近於大國有先王之明與先臣之力故能有之今寡人不逮其社稷之不能恤安能收恤蘭離石初乎寡人有不令之臣實為此事也非寡人之所敢知卒背秦秦王大怒令衛胡伐趙攻闕與趙奢救之魏令公子咎以銳帥居安邑以挾秦助趙秦敗於闕與反攻魏幾魏師既為趙奢所敗不能取闕與師還因擊幾焉謂之魏幾者因庶頗救幾大敗秦師餘見通鑑趙奢始治國賦報王三十五年已

為將攻齊麥丘至救闕與之時為將亦既久矣闕與史記正義曰洺州武安縣西南五十里有闕與山世傳奢距秦軍即此山也按括地志云言拒秦軍在此山疑其太近洺州既去邯鄲三十里而軍又云移之二日一夜至闕與五十里而軍據今洺州去潞州三百里恐潞州銅鞮縣西北闕與聚是趙奢破秦處以應為秦太后養地

解題曰按戰國西周策周君之秦客謂周最曰不如譽秦王之孝也因以應為太后養地秦王太后必喜應在潁川父城縣應鄉養地即平準書所謂自天子

至于封君湯沐邑皆各為私奉養不領於天下之經費者也是時范睢之間言已入而天下尊奉太后猶若此得非隙猶未見於外耶

攻齊剛壽

解題曰穰侯猶在相位故攻剛壽之師猶未已也去年范睢初見昭王首以剛壽撼穰侯豈非其言甚密外庭不得而聞歟

周赧王四十七年秦拔魏懷城

解題曰按范睢傳昭王拜范睢為客卿謀兵事卒聽范睢謀使五大夫綰伐魏拔懷

周赧王四十九年邢丘

解題曰年表作廩丘世家作邢丘史記正義云括地志云平皋故城本

邢丘邑漢置平皋縣在懷州武德縣東南

秦免魏冉相國奪宣太后權

解題曰范睢傳書廢太后逐穰侯高陵華陽涇陽君於關外按本紀明年宣太后葬芷陽鄠山九月穰侯出之陶是宣太后之沒書薨書葬初未嘗廢魏公子無忌諫魏王親秦之辭止曰太后母也而以憂死亦未嘗言其廢也穰侯雖免相猶以太后之故未就國及太后既葬之後始出之陶耳范睢傳所載特辯士

增飾之辭欲誇苑睢之事而不知甚昭王之惡也郡
氏皇極經世書曰罷穰侯相國及宣太后權以客卿
范睢為相封應侯蓋得其實矣

秦華陽君芊戎王弟涇陽君市出就封

解題曰昭王聞范睢之說赫然震怒若迅雷之不及
掩耳被四貴者豈容皆久留咸陽穰侯葉陽其去既
別見於後則華陽涇陽必以此時就封也今從范睢

傳載於此史記正義云涇陽雍州縣也

周赧王五十年安國君柱

解題曰按史記索隱安國君柱名

齊楚攻魏

解題曰齊楚相約而攻魏魏使人求救於秦冠蓋相
望也而秦救不至魏人有唐睢者年九十餘矣謂魏
王曰老臣請西說秦王唐睢見秦王秦王曰丈人芒
然乃遠至此甚苦矣夫魏之來求救數矣寡人知魏
之急已唐睢對曰大王已知魏之急而救不發者臣
竊以為用策之臣無任矣夫魏一萬乘之國也然所
以西面而事秦稱東藩受冠帶祠春秋者以秦之強
足以為與也今齊楚之兵已合於魏郊矣而秦救不
發亦將賴其未急也侯之大急彼且割地而約從王

尚何救焉必待其急而救之是失一東藩之魏而疆
二敵之齊楚則王何利焉於是秦昭王遽為發兵救
魏魏氏復定魏王以秦救之故欲親秦而伐韓以求
故地信陵君無忌謂魏王曰秦與戎翟同俗有虎狼
之心貪戾好利無信不識禮義德行苟有利焉不顧
親戚兄弟若禽獸耳此天下之所識也非有所施厚
積德也故太后母也而以憂死穰侯舅也功莫大焉
而竟逐之兩弟無罪而再奪之國此於親戚若此而
况於仇讎之國乎今王與秦兵伐韓而益近秦患臣
甚惑之而王不識則不明群臣莫以聞則不忠今韓

氏以一女子奉一弱主內有大亂

韓世家不載其事必是時韓王少母

后用也

外交疆秦魏之兵王以為不亡乎韓亡秦有鄭

地與大梁鄰王以為安乎王欲得故地今負疆秦之

親王以為利乎秦非無事之國也韓亡之後必將更

事更事必就易與利易就與利必不伐楚與趙矣是

何也夫越山踰河絕上黨而攻疆趙是復得闕與之

事

趙奢敗秦闕與

秦必不為也若道河內倍鄴朝歌絕漳滏

水與趙兵決於邯鄲之郊是知伯之禍也秦又不敢

伐楚道沙山谷行三千里而攻冥阮之塞

徐廣曰或為今江

夏鼂縣史記音義曰冥鼂竝育秦兵向楚有兩道涉山谷是西道河外是東道也史記正義曰括地志

云石城山在申州鍾山縣東南二十里所行甚遠所攻
一里攻冥阨即此山申州今信陽軍從河外出函谷
甚難若道河外倍大梁史記正義曰徐廣云十一里無左字
州則背右蔡左召陵史記正義曰徐廣云十一里無左字
大梁亦在豫州鄆城縣東四十五里並在陳州西邵陵
故城亦在豫州鄆城縣東四十五里並在陳州西邵陵
汴州南行向陳州之西郊則上蔡郡在陳州西邵陵
身之右定與楚兵決於陳郊秦又不敢故曰秦必不
無左字也與楚兵決於陳郊秦又不敢故曰秦必不
伐楚與趙矣又不攻衛與齊矣夫韓亡之後兵出之
日非魏無攻已秦固有懷茅史記正義曰本周邑後
一里有故懷城括地志云懷州獲嘉縣東北二十里
五里有茅亭周與蕪忿生十二邑其一曰攢茅九邢
五武德縣東南二十里城境津史記正義曰攢茅九邢
臨河內河內共汲必危史記正義曰攢茅九邢

雍決熒澤水灌大梁徐廣曰成臯熒陽亦屬鄭史記
縣西北七里言韓于之後秦有鄭地得大梁必亡皇始
垣雍城從雍澤決溝歷雍灌大梁也得大梁必亡皇始
滅魏果王之使者出過而惡安陵氏秦於安陵趙襄子所
用此策成侯受詔襄王以守此地蓋安陵趙襄子所
封其後遂別為小國附庸於魏今魏反令使者譖之
於秦也使之使者出過而惡安陵氏秦於安陵趙襄子所
策作王之使者出過而惡安陵氏秦於安陵趙襄子所
之久矣秦葉陽昆陽與舞陽鄰史記正義曰葉陽今
城在許州葉縣北二十五里舞陽故城在葉縣東十
里此時葉陽昆陽屬秦舞陽屬魏也葉陽今屬汝州
聽使者之惡之隨安陵氏而亡之繞舞陽之北以東
臨許按史記正義安陵在鄆陵南國必危日在魏之
南國故曰國無害已戰國策作魏夫憎韓不愛安陵氏
南國故曰國無害已戰國策作魏夫憎韓不愛安陵氏

可也夫不患秦之不愛南國非也秦得南國則諸侯

以為非已地異日者秦在河西晉國去梁千里音義

而大梁謂河東安邑等地有河山以闡之有周韓以

間之從林鄉軍徐廣曰林鄉在宛縣以至于今來自秦伐林鄉也

邊城盡拔文臺墮垂都焚林木伐麋鹿盡而國繼以

圍報王四十年又長驅梁北東至陶衛之郊陶即穰

也北至平監監即故闕城在平陸縣西南所亡於

秦者山南山北河外河內大縣數十名都數百秦乃

在河西晉去大梁千里而禍若是矣又况於秦無韓

有鄭地無河山而闡之無周韓而間之去大梁百里

禍必百此矣戰國策異日者從之不成也楚趙疑而

韓不可得也今韓受兵三年秦撓之以講識亡不聽

投質於趙請為天下鴈行頓又趙楚必集兵皆識秦

之欲無窮也非盡亡天下之國而臣海內不休矣是

故臣願以從事乎王戰國策王速受楚趙之約而挾

韓之質戰國策以存韓而求故地韓必効之此士民

不勞而故地得其功多於與秦共伐韓而又與疆秦

鄰之禍也夫存韓安魏而利天下此亦王之天時也

大字從通韓上党於共寧史記正義曰共衛州共使

來豈專為韓而已哉韓不失出入賦之是魏重質韓
上党則三晉之勢猶完也以其上党也今有其賦足以富國韓必德魏愛魏重
魏畏魏韓必不敢反魏是韓則魏之縣也魏得韓以
為縣衛大梁河外必安矣今不存韓二周安陵必危
楚趙大破衛齊甚畏天下西鄉而馳秦入朝而為臣
不久矣信陵君之諫世家不書其從違然亦不書魏
與秦同伐韓取故地之事必以其言而止也當是時
范雎為謀主謂秦之有韓如人之有腹心之疾故以
破韓為首務其所以親魏者豈誠愛魏哉特欲孤韓
之黨耳信陵君之言深切綜練識天下之大勢使魏

王能用其計糾率楚趙竭立助韓則韓不至於失上
党趙不至於敗長平六國亦不至為秦所吞矣謀既
不用又以矯殺晉鄙流落於外秦已滅周六國垂亡
魏始再用之猶能收合諸侯折強秦之鋒若用之於
上黨長平未敗之前天下雌雄之勢殆未可量也信
陵君諫辭稱秦太后母也而以憂死今附於宣太后
薨之後

趙使長安君為質於齊

解題曰是歲秦宣太后薨趙太后齊君王后復見於
史大抵當時諸國皆母后專政也

趙以田單為將伐燕

解題曰按戰國策趙王割濟東三城城邑市五十七
與齊求安平君為將攻燕馬服君謂平原君曰國奚
無人甚哉君致安平君而將之乃割濟東三城此與
敵國戰覆軍殺將之所取也今君以此與齊而求安
平君而將之國奚無人甚也且君奚不將奢也奢嘗
抵罪居燕燕以奢為上谷守燕之通谷要塞奢習知
之百日之內天下之兵未聚奢已舉燕矣然則君奚
求安平君而為將乎平原君曰將軍釋之矣僕已言
之僕主矣僕主幸以聽僕也馬服君曰君之所以求

安平君者以齊之於燕也茹肝涉血之仇耶使安平

君智則奚以趙之強為趙強則齊不復霸矣今得強

趙之兵以杜杜枯蒼絕氏曰燕將曠日持久令士大夫

餘子之力盡於溝壘府庫敝倉廩虛乃引其兵而歸

盡兩國之兵無明此者矣已而得三城城大無明過

百雉者此即趙世家今歲所載之事也但載所得之

城微不同耳平原君謀國如此趙之不競有以哉

周赧王五十一年秦城廣武

解題曰按范曄傳昭王四十三年秦攻韓汾涇拔之

因城河上廣武

史記正義曰陘城在絳州曲沃縣西北汾水之旁也廣武在鄭州滎陽縣西

周赧王五十二年秦白起攻韓取南陽絕太行道

解題曰南陽河內脩武也昭王三十四年嘗取之魏

矣今歲又書取之韓或者中間嘗屬韓也范睢嘗獻

謀於昭王曰北斷太行之道則上党之師不下斯役

也其取上党之漸欵

史記正義云太行在懷州河內縣北

周赧王五十三年州

解題曰徐廣曰南郡有州陵縣

秦葉陽君

解題曰惺與穰侯同時封為諸侯者也諒毅說昭王

之辭曰平原君親寡君之母弟也猶大王之有葉陽

涇陽君也然則惺其昭王之母弟欵范睢論四貴王

弟居其二曰高陵曰涇陽獨無所謂葉陽者高陵或

其別名也惺在四貴之中就封獨後豈昭王獨薄其

罪乎

上黨守馮亭以郡降趙

解題曰趙孝成王夢衣偏裝之衣乘飛龍上天不至

而墜見金玉之積如山明日王召筮史敢占之曰夢

衣偏裝之衣者殘也乘飛龍上天不至而墜者有氣

而無實也見金玉之積如山者憂也後三日韓上党守馮亭使者至王大喜召平陽君豹告之對曰聖人甚禍無故之利趙豹出王召平原君與趙禹而告之曰此大利不可失也嚴尤三將叙曰平原君勸趙孝成王受馮亭王曰受之秦兵必至武安君必將誰能當之者乎對曰渰池之會臣察武安君小頭而面銳瞳子白黑分明視瞻不轉小頭而面銳者敢斷決也瞳子白黑分明者見事明也視瞻不轉者執志强也可與持久難與爭鋒廉頗為人勇鷙而愛士知難而忍耻與之野戰則不如持守足以當之王從其計平

原君贊孝成王受上党以致長平之禍以嚴尤所載考之其君臣苟力守其初計雖未必能亢秦猶未至於禍趙也卒休於反間竟以趙括代廉頗何遽忘其前語耶蓋趙王素畏白起聞王薨為將則易之故臨敵易將而無所憚秦王聞趙括已為趙將乃陰使武安君為上將軍令軍中有敢泄武安君將者斬其亦聞趙之初計歟帷幄之謀至使敵國聞之國非其國矣餘見通鑑

周赧王五十四年緱氏
解題曰今河南府偃師縣

周赧王五十五年秦白起大破趙師長平

解題曰史記正義曰在澤州高平縣西

水經注上党記曰長平城

在郡之南秦壘在城西二軍共食流水澗相去五里秦坑趙眾收頭臚築臺於壘中因山為臺令號曰白起臺

周赧王五十六年異人生子政

解題曰按始皇紀莊襄王為秦質子於趙見呂不韋

姬悅而取之生始皇以秦昭王四十八年正月生於

邯鄲及生名為政徐廣曰作正宋忠云以正月旦生

故名正

太原上黨垣雍

解題曰秦上党郡乃今河東路澤潞遼平定威勝之

地太原則莊襄王之世別為郡矣

史記正義云太原今并州垣雍在鄭

州原武縣西北

趙不入六城於秦使虞卿賂齊

解題曰穎濱蘓氏曰游說之士皆思抵諸侯以左右

網其利獨虞卿終始事趙專特從說其言前後可考

無翻覆之病非說客也餘見通鑑

周赧王五十八年十二月秦殺白起

解題曰按戰國策昭王既息民繕兵復欲伐趙武安

君曰不可王曰前年國虛民飢君不量百姓之力求

益軍糧以滅趙今寡人息民以養士蓄積糧食三軍之俸有倍於軍而曰不可其說何也武安君曰長平之事秦軍大尅趙軍大破秦人歡喜趙人畏懼秦民之死者厚葬傷者厚養勞者相饗飲食舖餽以靡其財趙人死者不得收傷者不得療涕泣相哀戮力同憂耕田疾作以生其財今王發軍雖倍其前臣料趙國守備亦以十倍矣趙自長平已來君臣憂懼早朝晏退卑辭重幣四面出嫁結親燕魏連好齊楚積慮并心備秦為務其國內實其交外成當今之時趙未可伐也王勿聽其後秦數不利武安君曰不聽臣計

今果何如王聞之怒因見武安君疆起之曰君雖病疆為寡人卧而將之有功寡人之願將加重於君如君不行寡人恨君武安頓首曰臣之行雖無功得免於罪雖不行無罪不免於誅然惟願大王覽臣愚計釋趙養民以觀諸侯之變撫其恐懼伐其驕慢誅滅無道以令諸侯天下可定何必以趙為先乎此所謂為一臣屈而勝天下也大王若不察臣愚計必欲快心於趙以致臣罪此亦所謂勝一臣而為天下屈者也夫勝一人之嚴焉孰若勝天下之威大耶臣聞明主愛其國忠臣愛其名破國不可復完死卒不可復

生臣寧伏受重誅而死不忍為辱軍之將願大王察之玉不答而去范睢傳云與武安君白起有隙言而殺之任鄭安平使將擊趙其後昭王責范睢亦曰今武安君既死而鄭安平等畔內無良將而外多敵國然則起之死皆睢之力明矣

新中

解題曰史記孟義曰相州安陽縣也秦昭王拔之更名安陽

秦質子異人逃歸

解題曰按戰國策異人至不韋使楚服而見王使子

異人誦異人曰以棄捐在外無師傅不習於誦王罷之秦之焚書蓋兆於此餘見通鑑

河橋

解題曰河之有橋初見於此

周赧王五十九年韓魏楚救趙新中

解題曰按趙世家趙將樂乘慶舍攻秦信梁軍破之徐廣曰年表云新中軍也蓋去年秦取趙新中而屯守之故今年趙與三國攻之而逐之也

赧王入秦盡獻其邑

解題曰按稽古錄周自武王以來凡三十六王八百

六十七歲而亡周紀書西周君犇秦頓首受罪盡獻其邑秦受其獻歸其君於周周君王赧卒史記正義西周武公也王赧即周王也周君與王赧此年俱卒通鑑書赧王入秦盡獻其邑歸赧王於周以理考之當從通鑑所謂周君王赧周民遂東亡秦取寶器而卒蓋史記行周君二字遷西周公於囂狐史記秦紀明年書周民東亡今併正義曰西周公蓋武公太子咎也宋忠云王赧謚西周武公非也按西周公既有謚則其死必在西周未亡之前遷囂孤者賈誼曰先王知壅蔽之傷國也必其子也惠昔悼故置公卿大夫士以飾法設刑而天下治其強也禁暴誅亂而天下服其弱也五伯征而諸侯從其削也內守外附而社稷存故秦之盛也繁法嚴刑而天下

振及其衰也百姓怨望而海內畔矣故周五序得其道而千餘歲不絕秦本末並失故不長久由此觀之安危之統相去遠矣誼論周秦長短之由蓋得其要至於所謂飾法設刑而天下治乃申韓之餘習非先王之所先也

大事記解題卷第五

大事記解題卷五



大車論雜錄卷第五

王之術也

至於此則靜志養性而不可欲也中韓之說皆非也

夫道之於財也遠矣富而後貴貴而後富富而不貴則財去矣

富而不貴則財去矣富而不貴則財去矣富而不貴則財去矣

財去其矣也百世不刊之論也



